



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

18940


Խաղաղ-Սարգս

891.99

Կ-31

Թիֆլիս

1890





391-93

06-31

Վ. ՓԱՓԱԶԵԱՆՆՑ



op-33

Խ Ա Թ-Ս Ա Բ Ա

(հայ բոլաների կեանքից)

495

211

№ 2632

(Արտատպած «ՄՈՒՐՃ» ամսագրից)

№ 2632

Центральная Библиотека им. Ленина

г. Москва

ИНВЕНТАРИЗАЦИЯ 1936 г.

№ \_\_\_\_\_

Թ Ի Ֆ Լ Ի Ս

ՏՊԱՐԱՆ Մ. Դ. ՌՕՏԻՆԵԱՆՏԻ

1890







Սարահարթի միւս ծայրը գալիս հանդում է դէպի ձորակը և այդտեղ կազմում է մի ահեղ գահաւանդ, որտեղից տեսնում է դէպի ցած վիժող դետակի փրփուրը, իսկ հեռու-ցածում՝ օձապտոյտ արծաթափայլ գետակներ և վտակներ, որոնք միմեանց կտրում և թագնում են պարարտ արտերի, կոյտ կոյտ օբաների և ամրութիւններով զինւած բլրակների մէջ...

Սարահարթը շատ մեծ է, բաց բնութիւնը իւր բոլոր գեղեցկութիւններով զարդարել է նորան. այդտեղ կարելի է տեսնել ապառաժների վայրենի շեղջեր, միմեանց վերայ կարծես մազով կռթնեցրած հսկայական ժայռեր. փոքր ինչ հեռու մի վճիտ վտակ, որը կիսալուսնաձև սողում-անհետանում է շուշանների, կակաչների, անթառամների միջով: Մի կողմում ամպի պէս սփռւած զանազան բարձրութեամբ բլրակներ ալեձև գնում են դէպի խորը, բարձրանում դէպի լեռները, յետոյ նորէն դէպի աջ են ծռւում և հետզհետէ մանրանալով հաւասարւում են դաշտի հետ... մի այլ կողմում երկու վերելից հոսող ջրվէժներ եռանկիւնաձև միմեանց կտրում՝ գոյացնում են փրփրադէզ շաղբաւան, որոյ ցատկատող կաթիլները թրջում-ռռոզում են շորս կողմը վխտացող անուշահոտ ծաղիկների թերթիկները...

Այդ սարահարթը կոչւում է «Զիւլինի դիւզ»:  
Եստ քիչ անգամ շրջակայ կանայք մտնում են

հաւաքելու Զիւլինի դիւզի առատ խինձը, սիբեղը, կովու ճակտեկը... հովիւն իսկ դժւարութեամբ է համաձայնում նախիրը այն կողմը քաշելու, թէև հօտը մեծ ճարակ կը գտնի այնտեղ... Որովհետև Զիւլինի դիւզը բնակութիւններից բաւական հեռու է և եթէ շրջակայ լեռների մէջ թափառող քիւրդ կամ աջէմ աւազակները իմանան, որ նախիրը կամ կանայք այցելում են Զիւլինի դիւզին՝ մի բոպէ չեն վարանիլ խուճբերով յարձակում գործելու:

Բայց, ամառնամուտի մի գեղեցիկ երեկոյ, դաշտից կարելի էր տեսնել սարահարթից բարձրացող ծուխի սիւնակներ և փալփլող լոյսեր...

Այդ օրը հեռու տեղից գալով, մի թափառական ժողովուրդ իջևանել էր սարահարթում, կառուցել էր քսանի չափ վրան և աւելի քան չիտեն զանազան տաւարներ բաց էր թողել արածելու բլրակների մէջ:

Վրանները կառուցւած էին միմեանցից հինգ քայլ հեռու: Նոցա առջևում խոտերի մէջ թաւալում էին կեղտոտ կիսամերկ մանուկներ, մի այլ կողմում տգեղ և սև դէմքով կանայք կրակը վառել՝ կերակուր էին պատրաստում, իսկ այդ աղօտ լոյսի տակ վտակի եզերքին մի փոքրիկ պառեկի <sup>1)</sup> վերայ թիկն տւել, մէջքի վերայ պառկել և նստել էին 10—15 զանազան հասակի տղամարդիկ:

<sup>1)</sup> Սարի կամ բլուրի կուրծք:



Ամենքն էլ կհասներկ էին, պատառոտուն հա-  
գուստներով, սևացած դէմքով և համարեա բոբիկ  
ոտներով: Այ մէկը նոցանից չունէր առանց կարկատանի  
վերարկու, կանոնաւոր արեխ կամ գոնէ դիւարկ. մազերը  
խուիւ դիզացած զլխների վերայ, մօրուքները թանձր  
և կոշտ կամ խանձնւած մազերի պէս եկած. նոյն  
խոլ կանայք և մանուկները բոբիկ, անլւայ, երկար  
մազերով և իրանց մարմնի մի մասը քուրջերով միմիայն  
փաթաթած...

Բոշաների մի խումբ էր, որ Քորթումից գալով,  
իրանց ճանապարհորդութեան տասներորդ գիշերը  
անցկացնել էր ուղում Զիւլինի դիւզի վերայ. ամբողջ  
խումբի մէջ պառեկի վերայ նստոտած տղամարդիկը  
միայն ներկայ էին. մնացածները կամ յետ էին մնա-  
ցել կամ քաղաքումն էին և կամ շրջակայքներում  
պահպանութիւն էին անում:

Այն պառեկը, որի վերայ հաւաքել էին տղա-  
մարդիկ՝ նայում էր դէպի դաշտը և վտակը փալիւն-  
լով լուսնի լոյսի տակ՝ գալիս շօշափում էր նորան ու-  
ցած վազում: Մի քանի քայլ հեռու մի տղամարդ  
յենել մի հին հրացանի վերայ լուռ խօսողներին էր  
լսում, նորա ոտների մօտ, թաթերի վերայ զլուխը  
դրել նստել էր մի ահագին զամբո, որը ահանջները  
սրել, աչքերը պլշել՝ չորս կողմն էր դիտում:

Միւսները ևս լսում էին իրանց միջից յաղթան-  
դամ և կոշտ գծադրութեամբ հասակաւոր մէկիւ,  
որը խօսում էր յուզմամբ, անդադար ցուպը և ձեռ-

քերը շարժում էր և երբեմն իսկ ցուպով ճզփաց-  
նում էր ջուրը կամ դէպի օդը թռցնում արմատա-  
խիլ արած խոտերի մի փունջ...

Մի զով քամի գալիս շարժում էր խոտերի և  
ծաղիկների ծայրերը, օրօրում էր պատմողի թանձր  
մազերը և զնում սփռում էր դէպի դաշտը...

**Բ.**

Լ Ո Մ - Հ Ս Ս Ս Ն

Բոշան պատմում էր:

«Հեռու-միւսիլմանների երկրում, պատմում էր  
նա—այնտեղ, ուր արևի մէջ հաւկիթը իսկոյն եփ-  
ւում է, ուր մի ընդարձակ աւազի անապատ բռնել  
է երկրի կէսը, ուր մարդիկ բոլորը արևից սևացել  
են և ուր բուսնում է արմաւը և ձիթենին՝ կայ մի  
գեղեցիկ միւսիլմանի քաղաք, որից անապատը շատ  
մօտ է:

Այդ քաղաքում ապրում էր Շէյխ Սադօն, որին  
բոլոր ճանաչում էին, որովհետև նորա պալատի մէջ  
ոսկին քարի կտորների պէս սփռւած էր ամեն կողմ,  
հուբիները աւելի շատ և աւելի գեղեցիկ էին, քան  
նոյն ինքն Խըղիւի հարէմի կանայք. նորա պալատը  
բռնում էր քաղաքի կէս մասը, նորա պարտէզների  
պէս պարտէզներ չը կային և Շէյխը վայելում էր  
այս աշխարհում ա՛յն բոլորը, ինչ որ խոստացել է  
մարգարէն միայն միւս աշխարհում...



Փող ունէր և նորա զօրութեամբ կարողանում էր անել ցանկացածը, վայելել այնպիսի հաճոյքներ, որոնցից Աստուած զրկել է մեզ և շատերին: Թրւայ ամեն ժամերին լւում էր նորա շքեղ պալատի աշտարակներից նւագածունների ձայներ. երգում էին ամենից լաւ երգողները. նորա դրան էր մօտենում ամենից առաջ դէրւիշը և խփում էր վրանը <sup>1)</sup>. նորա մօտ էին գնում ամենից քաղցր ածողները, շէյխին էին պատկանում անապատի զաւակների բոլոր գեղեցիկները, նորան էին օրհնում բոլոր մոլլաները և սէյիդները... բայց կար մի դաս և այդ խեղճ մարդիկն էին, որոնք միայն վախենում էին նրանից...

Եւ այդ բոլորը նա վայելում էր անհոգ, զւարթ և ուրախ, նա սկի չը գիտէր էլ թէ իւր ծառաները ինչպէս քերթում էին խեղճ մարդկանց, կողոպտում էին նրանց, ծանր հարկերի տակ ճնշում, և բերում լցնում էին գանձարանը... Քող աշխարհքը քանդէր, միայն թէ շէյխի գանձարանից ոսկին չը պակսէր, հարէմից կինը, մառանից գինին և ճաշը զւարճալի անող երաժիշտները...

Շէյխի եկամուտների աղբիւրը քաղաքից երկու

<sup>1)</sup> Արաբիայում և Պարսկաստանում գերվիշները մի փոքրիկ վրան են խփում մի հարուստի գրան առջև և նորա տակը նստած աչքքան աղօթում են, մինչև որ հարուստը մի պատկառելի ընծայ տալ և խնդրէ վրանը վերգնել:

փարսախ հեռու գտնուող չորս-հինգ գիւղերն էին:

Այդ գիւղերը լիքն էին բազմաթիւ մերկ, կեղտոտ և գժերի պէս գիւղացիներով, որոնք օրը մինչև երեկոյեան աշխատում էին. նրանց արտերը տալիս էր առատ ցորեն, Նեղոսը ողողում էր հանդերը, ցորենը մէկին 100 էր տալիս և սակայն իրանք գիւղացիք ուտում էին այն բոյսերը, որոնցից շատ են բուսնում Երջանիկ երկրի դաշտերում... Ինչպէ՛ս կարելի է, որ կոպիտ գիւղացին ցորենի պէս աղնիւ հացով կերակրէ. Շէյխի մարդիկը խլում էին նրանց ձեռքից բոլոր ցորենը, և թողնում էին նրանց խոտ ուտելու. լսում էք, լոմէ՛ր <sup>1)</sup>, Երջանիկ երկրում կային գիւղեր, որոնք խոտով միայն կերակրում էին... Եւ լցում էր Շէյխի գանձարանը ոսկիով, հարեմը գեղեցիկներով և հնչում երաժշտութիւնը պալատի սրահների մէջ և ողողում էր գինին և զւարճանում էր Շէյխը իւր շքեղութեան մէջ...

Բայց բաւական է Շէյխի մասին. լոմը այդպէս Շէյխեր շա՛տ է տեսել, նա ինքը խոտ է կերել, իսկ իւր քրտինքը կերցրել է աղաների, նա ինքը ծնել է գեղեցիկները և տել է Շէյխերի հարեմներին... նրան զարմանալի չէ այդ...

Եւ նստած էր մի օր Շէյխը իւր պալատի աշտարակներից մէկում, ծխում էր ներգիլէն, իւր սի-

<sup>1)</sup> Թիւրքիայի հայ բողաները իրանք իրանց լոմ են անւանում:



բուն կանանցից մէկը դրել էր բամբիւնը լուսամուտի առջև, իւր քնքոյշ մատներով դողացնում էր նորա մազանման թելերը և քամին տարածում էր նորա հրեշտակային ձայն դէպի հեռու անապատը...

Անապատում մի ծառախուճքի տակ այդ օրը իջևանել էր մի խումբ, նա կտրել էր ամբողջ անապատը, իւր անգամներից մեռած թողել էր աւազների մէջ, կոտորել ծարաւութիւնից, ջարդել բէղբիներից և եկել ընկնել հանգստանում էր Բէն-էլ-մաար օազխի արմաւինեաց տակ...

Նոցա մօտ այլ ևս չէր մնացել մի բուռ ալիւր, մի հատ ցորեն կամ մի կտոր հաց... պէտք էր հաց գտնել:

Ահ հրամայեց խմբապետը խմբի երգեցող կանանց՝ քաղաքն իջնել, դռների մօտ հնչեցնել գնչուական երգեր, բաց կուրծքով պարել տաք երկրի միւսիւմաների պակշտ աչքերի առջև և անել ամեն ինչ՝ միայն թէ հաց բերել խմբին, որին անթութիւնից մահ էր սպասում...

Ահա Օազխից ելան չորս կանայք՝ Նազին, Գիւլին, Օղիշուն և Բահարը, հագնեցին, առին իրանց փոքրիկ բոժոժներով զարդարած թմբուկները, մատերնին անցկացրին ծնծղաները և մտան քաղաք...

Նազին և Գիւլին երգում էին, Օղիշուն պարում և Բահարը հաւաքում էր բնակիչների տաճ հաց կամ փողը: Անտառի եղնիկը, Սուլթանի բախ-

կասը <sup>1)</sup>, խզիւի պարողը շունէին այն թեթև և արագ ոտերի շարժումը, մարմնի այն հաճելի դիւրաթեքութիւնը, աչքերի այն մեռցնող ոլորածքը, ձեռքերի այն գողտրիկ պտոյտները, ինչ որ Օղիշուն, որ երբ պարում էր, հրեշտակի էր նմանում, որ սաւառնում է օդի մէջ, երբ ժպտում էր՝ մեռցնում էր և երբ խօսում էր, անապատի տաքութիւնից յետոյ հանդիպած ջուրը նորա ձայնի քաղցրութիւնը շունէր... Գեղեցիկ է լուսինը իւր ամբողջ ժամանակը՝ երբ լողում է երկնակամարի վերայ, հիանալի են աստղերը, պայծառ խողովեցնող է արևի լոյսը. բայց Օղիշուի աչքերը, նորա դեր թշերը, զունաթափ տամուկ ձակատը, քնքոյշ իրանը, վայելուչ հասակը և գողտրիկ բերանը աւելի գեղեցիկ, աւելի հիանալի, աւելի պայծառ և աւելի խաղղեցնող էին... մանաւանդ, երբ նա պարում էր և պարելու ժամանակ իւր աչքերով նայում մէկին և իւր երկնային ժպտով ժպտում...

Երգեցին, պարեցին և հաւաքեցին ամբողջ օրը և երեկոցեան Եէյս Սատօի պալատի առջև կանգ առին:

— Օղիշո՛ւ, ասաց նրան Նազին — այս տանտէրը մեծ հարուստ է երևում, բանեցուր քո բոլոր ճարպիկութիւնդ, այնտեղ մերոնք հացի են սպասում:

Ահ երգեցին. Օղիշուն մատերին անց կացրեց

<sup>1)</sup> Պարող:



Ծնծղաները, Նազին զողզողացնելով հնչեցրեց թըմ-  
բուկը և Բահարը պալատի դրան մօտ կանգնած՝  
սպասեց որ հաց կամ փող բերեն իրան...

Լուեց բամբիւը, շարժեց շէյխը, գլուխը լու-  
սամուտից դուրս հանեց և լսում էր... լսում էին  
բոլոր կանայք, լսում բոլոր պալատը, լսում և նա-  
յում էր ամբողջ թաղը... ամենքը լուել էին, Օղիշուն  
կարմրել էր նոր բացւած վարդի պէս, նա կոտրու-  
ում էր, ոլորում էր աչքերը, գալարում թւերը  
սահում էր գետնի վերայ, անհաւատալի արագու-  
թեամբ փոխում էր սիրուն ոտները, ծամում քնքոյշ  
մէջքը, իսկ Նազին և Գիւլին երգում էին:

Նոքա երգում էին լոմերի սիրելի երգը...

Թռի՛ր Բահար <sup>1)</sup>, անցի՛ր լուսին,  
Օգուտ չունի՛ք խեղճ լոմին,  
Լուսին լինի և կամ ձմեռ՝  
Լոմը ե՞րբ է կեանք տեսեր.  
Թռի՛ր Բահար, անցի՛ր լուսին  
Օգուտ չունի՛ք խեղճ լոմին...  
Դաշտը իւր սուն, լեռը իւր բուն  
Տանջւի լոմն օրն ՚ի բուն  
Փոքրիկ կարպետ իւր անկողին  
Կուց մի դառը ջուր իւր բաժին...  
Թռի՛ր Բահար, ծածկելի լուսին  
Ի՞նչ օգուտ դուք խեղճ լոմին...

1) Գարուն:

Շէյխը մի ոսկի ձգեց աշտարակից ցած և բա-  
րեհանեց հարցնել Օղիշուի անունը, յետոյ երկու  
ծառայ մօտեցան նրանց և յայտնեցին որ ամեծանուն  
շէյխը՝ կամենում էր, որ բոշաները պալատ մտնէին  
և իւր ներկայութեամբ պարէին և երգէին:

Օղիշուն, Նազին և Գիւլին Բահարին խնդրե-  
ցին որ հաւաքածները Օաղիսում սպասող խմբին  
տանէ, իսկ իրանք աւելի մեծ վարձատրութեան  
յոյսով պալատը մտան...

Միւս օրը օաղիսում յայտնեցան միայն Նազին  
և Գիւլին, Օղիշուն չը կար...

Շէյխը իւր մօտ էր պահել երկնային Օղիշուին...  
Բոշաների խումբը երգեց չը հեռանալ օաղիսից,  
իսկ Օղիշուի հայրը դտաւ միտարճանակ, հագուստ-  
ների մէջ թաղցրեց մի թիւնաւոր դաշոյն և քա-  
ղաք մտաւ:

Անցան օրեր, ոչ Օղիշուի և ոչ էլ նորա հօր  
մասին լսում էին լուրեր. վերջապէս մի օր օաղիսը  
եկան երկուսն էլ. Օղիշուն չլի և տղեղացած, իսկ  
հայրը արիւնոտ. նա սպանել էր Շէյխ Սատօին...

Մի քանի օրից յետոյ միւսիլմանները բռնեցին  
Օղիշուի հօրը և կախեցին քաղաքի դրան մօտ, իսկ  
բոշաների խումբը նորէն կտրեց անապատը և երբ  
հասել էր Աջէմի երկիրը, Օղիշուն ծնեց մի զաւակ,  
որի անունը դրեց Հասան...



Գ.

Է Լ - Մ Ո Ւ Ի Ն

«Այդ միջոցին Սպահանում ապրում էր մի արար իշխան. նա կոչւում էր Էլ-Մուին. նորան պատուում և սիրում էին բոլորը, նա 60 տարեկան էր, երեք կին ունէր, բայց և ոչ մի զաւակ չունէր. ունէր ահագին հարստութիւն, մեծամեծ շէնքեր, հողեր, պարտէզներ, հայերի թաղերի մեծ մասը Էլ-Մուինին էր պատկանում և հայերի Խօջա-Աւագ իշխանը Էլ-Մուինի սիրելի բարեկամն էր:

Ղուերի խումբը իւր կէսը թողնելով անապատում, ձմեռ էր, երբ հասաւ Սպահան և հայերի վանքի մօտ կանգ առաւ հանգստանալու:

Էլ-Մուինը և Խօջա-Աւագ վանքից ելան և երբ տեսան Ղուերին, խղճացին, հրամայեցին վանքումը տեղ տալ նրանց և հաց տալ: Իսկ Էլ-Մուինը տեսաւ փոքրիկ Հասանին, գրաւուեց նորա գեղեցկութիւնով և նորա մօր հետ միասին առաւ իւր մօտ. Օղիշուն նրանից հայրութիւն տեսաւ և Հասանին Էլ-Մուինը մեծացրեց իւր թուան պէս:

Մծացաւ Հասանը, կարդաց ամբողջ Ղուրանը, տեղեկացաւ իմաստունների գիտութեանը, կուրի մէջ մտաւ և սարթիփ <sup>1)</sup> եղաւ և երբ Օղիշուն մեռել էր, Հասանը այլ ևս իրան պարսիկ էր կարծում, սկի

<sup>1)</sup> Պարսկական զենքերալ:

մտքին չէր գալիս թէ ինքը լո՞ւմ է և լո՞մի զաւակ...

Այդ տարին շատ վատ տարի եղաւ Աջէմիստանի բոմբերի <sup>1)</sup> համար. ամենքը կողոպտում, ամենքը վռնդում էին նրանց. կողոպտում և նախատում էին, որովհետեւ բոմբերից մէկը մի օր սիրեց մի պարսիկ աղջիկ, առաւ նորան և փախցրեց օսմանց-ւոց երկիրը... այդպէս բոմբերի պատիւը ընկաւ, ամենքը սկսեցին կասկած տանել նրանց վերայ...

Բոմբը ժողովեցան, մի քանի մեծ խմբեր կազմեցին և վճռեցին գաղթելու օսմանցւոց երկիրը...

Բայց գաղթելուց առաջ ուղարկեցին երկու ծերունիների Հասանի մօտ:

Հասանը զարմացմամբ լսեց որ իւր հետ ուզում են խօսել երկու ավթրբ ծերունիներ... կարծեց թէ ողորմութիւն էին ուզում և հրամայեց նրանց փող տալ, բայց ծերունիները չայտնեցին, որ փող չեն ուզում, այլ նոյն իսկ իրան—Հասանի հետ խօսել:

Հասանը չուզեց ընդունել նրանց, բայց Էլ-Մուինը, որ մի խելօք և փորձւած իշխան էր, համոզեց նրան լսելու ավթրբների խօսքերը:

Երկու ծերունիները դիւանխանէն մտան և չոգեցին դռան մօտ. վերի կողմում նստել էր Էլ-Մուինը դունաթափ իսկ Հասանը նրանից փոքր ինչ ցած

<sup>1)</sup> Այդպէս են կոչւում իրանց Պարսկաստանի ավթրբ-ներ (բոշաճեր):



դէմքը կնճռած, զգւանօք ծերունիներին էր նայում...

Երկու լոմերը փոքր ինչ լռեցին, յետոյ նրանցից մէկը շփեց մօրուքը և ասաց խուլ ձայնով Հասանին.

— Լոմ-Հասան, քո ցեղիդ ծերունիները քեզ են եկել ամբողջ ցեղի կողմից.

Հասան զարմացած նրանց նայեց:

— Ես Լոմ-Հասանը չեմ, գոչեց նա — ես կոչուում եմ Հասան վէլէդը Ել-Մուխնի... Ի՞նչ էք ուզում ինձնից:

— Մենք, ասաց ծերունիներից երկրորդը — լոմերի իշխաններից ենք և եկել ենք Լոմ-Օղիշուի որդի Լոմ-Հասանի մօտ... արդեօք Հասանը չի՞ իմանում, որ ինքը լոմի զաւակ է և իրաւունք չունի իւր ցեղի մասին վատ մտածելու... Լոմերին պարսիկները հանգիստ չեն թողնում, այլ ևս հաց չը կա՞ նրանց այս երկրի մէջ, լոմերը գաղթում են, ուստի և մեզ ուղարկեցին Հասանի մօտ պահանջելու, որ Լոմ-Հասանը զայ և առաջնորդէ իրանց, Լոմ-Հասանը անգիր գիտէ զուրանը, իմաստուններից լսել է նրանց գիտութիւնը, խելօք է, Իքն-Հասանը <sup>1)</sup> տւել է նրան իւր զօրութիւնը և լոմերը ցանկանում են, որ Հասանը իւր գիտցածներով օգնէ իւր ցեղին և իշխէ

<sup>1)</sup> Պարսկաց մի սուսայելական կախարգ իմաստուն:

993

նրանց վերայ, ազատէ նրանց նեղութիւններից և իմաստուն անէ... Լոմ Վաղիրը ասաց, ինչ որ խնդրել էին իրան լոմերը...

Լոմ-Վաղիրը լռեց, Հասանը ապշել էր, բայց Ել-Մուխնը շարժեց և դառնալով Հասանին, ասաց: — Հասան, լսիր թէ քո պապը Ել-Մուխնը ի՞նչ կասէ, ո՛չ մի ժամանակ Ել-Մուխնի բերանը չի ստիլ, նա վատ չի խօսիլ, նորա զուխը միշտ լաւ է մտածել և փա՛ռք Սլլահին և իւր մարգարէին... նա դեռ այնչափ չի ծերացել, որ ցանցաւ բաներ խօսէ... Թող իմանայ Հասանը, որ Ել-Մուխնը իւր կեանքը դրել է Հասանի համար, աշխատել է նորան իմաստուն դարձնել. Ել-Մուխնի գանձարան միշտ բաց է նորա համար... Թող իմանայ Հասանը, որ իւր մայրը Օղիշուն մըթրքբի աղջիկ էր. Ել-Մուխնը թէև ցաւելով, բայց ճշմարտութեամբ ասում է, որ Հասանը իւր ո՛չ թէ հարազատ, այլ որդեգիր թուն է... Հասանը այդ ծերունիների ցեղին է պատկանում...:

170

Հասանը լուռ էր. նա շփոթւել էր. մտածեց երկար, յետոյ յանկարծ ոտքի ելաւ և մտաւ միւս սենեակը, որտեղից նա փոքր ինչ յետոյ դուրս եկաւ հասարակ հագուստ հագած, արեխները ոտքերին, մի գիրք թւի տակը, միւս ձեռքում հրացանը և դառնալով ծերունիներին ասաց:

— Իմ ազգը ինձ պէ՛տք ունի... գնա՛նք, ծերունիներ... Ել-Մուխնը վեր թռաւ տեղից, զրկեց





Հասանին, համբուրեց նորա ճակատը, օրհնեց և առաց:

— Գնա՛, որդեա՛կ, Էլ-Մուխնը օրհնում է քեզ նման իմաստուն որդուն... նորա գանձը առջևդ բաց է, օգուիր որչափ կ'ուզես...

Հասանը եկաւ լոմերի մօտ և երկու օրից յետոյ լոմերի ցեղերը նորա առաջնորդութեամբ օսմանցուց հողն էին անցնում...

Հասանը հրամայեց որ այնուհետև իրան ո՛չ թէ Հասան Էլ-Մուխնի, այլ միայն Լոմ-Հասան կոչեն:

Լոմ-Հասան իմաստուն էր Իբն-Հասանի պէս, քաջ էր Ռուստէմզալի նման և անվախ, ազնիւ էր և բարի, նորան ամենքը սիրում էին:

Օսմանցու հողերի մէջ լոմերը հանդիպեցին իրանց ցեղակիցներին, Լոմ-Հասանը բարեկամացաւ նրանց մեծաւորի հետ և նորա Սաբա աղջիկը իրան կին առաւ:

Սաբան մի շատ սիրուն աղջիկ էր, քաջ էր ինչպէս առիւծ, նա քանի անգամ քիչ մնաց ցած գլորէր Լոմ-Հասանին. Սաբան Օրիշուից գեղեցիկ էր, բայց պարելու փոխարէն նա գիտէր կուել — և լա՛ւ կուել...

Լոմ-Հասանը սիրեց նորան, իրան կին առաւ. Լոմ-Հասանը սովորեցրեց նորան իմաստութիւն, Լոմ-Հասան...»

Յանկարծ խշխշացին խոտերը, դամբուր վեր թռնելով փոքր ինչ մումուաց, յետոյ մի ոստիւն գոր-

ծեց և մտաւ խոտերի մէջ և երբ ամենք ետև էին նայում, լաւեց մի խուպոտ ձայն, որը գոչում էր.

— Նորէն ո՞վ է այն, որ իմ մարդուս անունը իւր բերանն է առել...

**Գ.**

✕ Խ Ա Ռ Ս Ս Բ Ս

Քոչաները բոլորը վեր թռան, պատմութիւնը կիսատ մնաց, և խոտերի միջից դուրս գալով նրանց առջև կանգնեց մի երկարահասակ խոշոր կին ցնցոտիներով, ձեռքին ահագին մի ցուպ, ոտերին տրեխ, գլուխը փաթաթած մի մեծ կարմիր թաշկինակով, իսկ մէջքին փաթաթւած գօտիի մէջ երևում էին երկու ատրճանակների և մի կեռ դաշոյնի կոթեր:

Նրկարահասակ, պառաւ, սական խիստ առոյգ կազմածքով միակնեայ կին էր, շեշտ, խիստ սղեղ դէմքով, խորշումած ճակատով և այտերով, ատամները կիսովին թափւած, իսկ իւր միակ մեծ աչքը այնպէս փայլում էր, որ տեսնողը կը վախենար. այնչափ երկարահասակ էր, որ մէջքը փոքր ինչ ծուել էր. ձայնը խուպոտ առնական ձայն, ջլապինդ սոթտած բազուկներ, կոշտ-ահագին խոշոր մատներով ձեռքեր, երկար ոտներ, լայն կուրծք, թիխաւէտ մէջք, երկար լիքը վիզ. երկար դիզացած մագերը՝ այլխառն...



Նա մի քայլ յառաջացաւ, ահագին հաստ ցուպը շիւղի պէս բարձրացնելով ուսի վերայ դրաւ, ոտովը խփեց հեռու շարժեց իւր ոտների մտ քծնող գամփուն, մի շանթահար ակնարկ ձգեց բոլորի վերայ և գոռաց նորէն: X

— Ո՞վ էր այն, որ իմ մարդուս մասին էր խօսում: բոլորը ետ ետ քաշւեցին, իսկ պատմողը ժպտեց և ասաց.

— Ես էի, Խաթ-Սաբա՛, միթէ վատեմ անում, որ լոմերին անպաղար յիշեցնում եմ քո իմաստուն և քաջ էրիկդ:

— Հը՛մ... մեմուաց Խաթ-Սաբան հանդարտելով վատ չես անում, Մուրա՛դ, բաց չէ՞ որ ես նորա մասին կամ նորա անունը երբ լսում եմ, յիշում եմ որ կին եմ և լացս չեմ կարողանում զսպել. ինձնից հեռու, միշտ հեռու խօսեցէք. Լոմ-Հասանս առիւծ էր, լոմերը և նորա կինը կորցրին շատ բան...:

Միւս բոշաները հետզհետէ մօտենում էին:

— Տղե՛րք, գոչեց Խաթ-Սաբան, փոքր ինչ լռութիւնից յետոյ—եւ դաշտիցն եմ գալիս և նոր լուրեր եմ բերում:

— Էլի մենա՞կ էիր գնացել, հարցրին մի քանիսը:

— Այստեղ զգուշացիր Խաթ-Սաբա՛— ասաց մի ծերունի— Զիւլինի մէջ աւազակ հարէմ ինե՛ր 1) շատ կան: X

1) Թաթար աւազակներ:

Պ — Էհէ՛, գոչեց պառաւը— խրա՞տ էք տալիս Սաբային, ոչ ոք նորան չի կարող զիպչել առանց մահը աչք առնելու:

— Հեռուից կարող են խփել, քիւրդերը բոլորն էլ հրացաններ ունին այժմ, որ կէս ժամ հեռուից մարդ է զլորում:

— Դատարկ բաներ, ժպտեց Խաթ-Սաբան— ինձ զլորելու մէջ շահ չը կայ... լսեցէ՛ք, ձեզ լուրեր տամ... Դաշտը առանց էն էլ զինուորներով լցել է, Զանգաղի մէջ վրան խփել նստել են հարկահաններ և զինուորներ. Հասան-Ղալայի բէգը հրամայել է հարկ հաւաքել... Զանգաղցոց կաշին քերթել են սկսել, Արտօսցիները զիւղը թողել՝ սարերն են փախչում, զինուորները ձեռը ընկածը թալանում են... երեք Զանգաղցի իշխանների բռնել՝ զիւղից 7—800 հարիւր ոսկի փող են պահանջում:

— 7-800 ոսկի, բացականչեցին բոլորը:

— Այո՛, սաղ Բասէնը ծախես, այգեքան չ՛արժէ մերոնցից էլ Սերգօին բռնել են և վրաները տարել... — Ախ... բացականչեցին բոլորը— արդեօք մեզ նի՞ց ինչ են ուզում:

Խաթ-Սաբան նստեց, ցուպը ոտքերի մէջն առաւ, պահ մի սրա-նրա երեսին նայեց, յետոյ շոյեց իւր կողքին պառկած գամփուն և ժպտելով ասաց:

— Ես իսկապէս չը գիտեմ թէ լոմերից ի՞նչ են պահանջում, բաց Սերգօին բռնել են, ոտները ու ձեռները կապել, մի խրճիթ են գտել ու Զանգաղցոց

*Handwritten notes in Armenian script, partially overlapping the printed text.*



հետ փակել այնտեղ... մենք մտադիր էինք վաղը առաւօտեան հեռանալ Զիւնից, բայց այլ ևս չենք կարող, Սերգօին պիտի ազատել: Այդ այդպէս. մեր ետ մնացող ընկերներն էլ դեռ չեն երևում, վախե- նում եմ որ նրանց էլ բռնած լինին դաշտի մէջ... ինչպէս երևում է լուսերը հրացանների պէտք պիտի ունենան, եթէ չեն կամենում իրանց տաւարները առաջին հանդիպած զինւորների խմբին թողել և իրանք նորէն խոտ ուտելով սար ու ձոր ընկնել քաղ- ցած... Խաթ-Սաբան տաւար չի տալ ոչ ոքի քանի կենդանի է. Լոմ-Հասանը նորան սովորեցրեց, որ հողը Աստծոյ է, քրտինքը աշխատողին և աշխատողի ու- նեցածը ոչ ոք խլելու իրաւունք չունի. Լոմ-Հասանը սովորեցրեց նորան, որ պէտք է հող ունենալ, վարել, ցանել և հնձել, ինչպէս անում են ամենքը. սովորեց- րեց, որ մուրալը վատ բան է, իսկ աշխատելը Լոմի միակ փրկութեան միջոցն է... Նորա մեռնելուց յե- սոյ տարիներ անցան և Լոմը դեռ տեղ չունի, բայց աշխատել է և իւր աշխատանքը վայելել, վա՛յ նրան, ով կ'ուզենայ Խաթ-Սաբայի խումբից խլել նորա ունեցածը...

Նա լուց. ժպտում էր և ձեռքի ցուպը երբեմն ուսին և երբեմն ծնկների վերայ էր դնում. ամենքը զլուխները կախած՝ ըսում էին նորան:

— Տղերք, գոչեց Խաթ-Սաբաթ պահ մի լուե- լուց յետոյ, դաշտից մեր վառած կրակները երևում են, բոլորը գիտեն այժմ որ Զիւնին դիւզի վերայ էլ

բնակիչ կայ... հիմա այնպէս ժամանակ է որ բեգերը ճրագով մարդ են փնտռում, որ հարկ ու տուրք առ- նեն... Թող մի քանի հողի տաւարները քաշեն լեռ- ների մէջ արածելու. մի անգամ երբ առանց տաւարի մնացինք, մեզնից էլ տուրք չեն կարող առնել, հող չունինք, տաւար էլ չենք ունենայ: Շարժեցէք, վաղը առաւօտեան կարելի է հարկահանը մոտէ այստեղ:

— Որտե՞ղ տանենք տաւարները, հարցրեց Մուրադը:

— Ասացի որ լեռների մէջ. մէկ լաւ ձոր գտէք և թողէք այն տեղ արածելու. երեք հողի հերիք է զրա համար. էզուց երեկոյեան մէկը թող գայ մեզ մօտ որ եղածը իմանայ. ա՛յ, կ'ուզես Մուրա՛դ, գնացողներից մէկը եղիր դու, շատ վախկոտ ես, հանգիստ կը փռւես խոտերի մէջ և ընկերներիդ հե- քիաթներ կը պատմես.

— Ե՛ս, վախկո՞տ, գոչեց Մուրադը, ո՞վ տեսաւ իմ վախկոտութիւնը:

— Լա՛ւ, լա՛ւ, ծիծաղեց Խաթ-Սաբան, քեզ բուրն էլ ճանաչում են. զինւորներին մաղի ծակերից ես նայում, թ ով ջիւն <sup>1)</sup> քարի ետեւից, հրացանին ձեռք չես կարողանում տալ, թէ ի՞նչ է քեզ կը խփես... լա՛ւ, պատասխան պէտք չէ, դու և երկու հողի վերկացէք, տաւարները ժողովէք և մի լաւ տեղ արածելու տարէք.

<sup>1)</sup> Հարկահան.



Այդ ասելուց յետոյ, Խաթ-Սաբան օտքի ելաւ,  
իրան շրջապատողներին նայեց և հարցրեց:

— Հասանը ո՞ւր է.

— Դաշտի կողմն է պահպանուած, պատասխանեց  
մի ծերունի.

— Հ'ըմ... հրացան ունի՞ հետը:

— Ունի, քո հրացանդ է առել:

— Օղիշուի՞ս մօտ ով է մնացել ուրեմն:

— Վարդիկենց տունն է Օղիշուն.

Հասանը Խաթ-Սաբայի որդին էր, 35 տարեկան  
մի օղամարդ: Բացի Հասանից, Խաթ-Սաբային մե-  
ռած անդրանիկ որդուց մնացել էր 17 տարեկան որբ  
Օղիշուն. իսկ միջակ որդին բաժանուել իրանից՝ ամուս-  
նացել էր գրում էր գնացել ընդ միշտ: Լոմ-Հասանը  
վաղուց—40 տարի էր, որ մեռել էր և ծերունի  
70-ամեայ Խաթ-Սաբային մնացել էին միայն մի  
առողջ երիտասարդ որդի և մի սիրուն թոռ, որոնց  
նա չափազանց սիրում էր:

Լոմ-Հասանի մահւան. մասին համարեա ամեն  
բոշա ասում է, որ նա քիւրդերի հետ կուլելու ժա-  
մանակ 101 գնդակի վէրքեր ստացաւ, 300 քիւրդ  
կոտորեց, յետոյ իւր հրացանը իւր կողքին կանգնած  
կնոջը—Խաթ-Սաբային աւաւ և ընկաւ... իւր ընկ-  
նելով նա ջախջախեց 301-երորդ քիւրդին, որը կա-  
մենում էր նրան դաշոյնի մի հարւած տալ...

Ինքը Խաթ-Սաբան ոչինչ չէր պատմում իւր  
օտջ ամուսնոյ մահւան մասին և դորա համար իսկ

շատ բոշաներ կարծում էին թէ Լոմ-Հասանը կենդանի  
է և մի օր պիտի գաց իրանց օգնութեան, երբ  
Խաթ-Սաբան այլ ևս անկարող լինի և ժողովուրդը  
անգլուխ մնայ...

Սու այժմ Խաթ-Սաբան բոշաների այդ խմբի  
ցեղապետուհին էր, նրանից դողում էր իւրաքանչիւր  
բոշա, որովհետև Խաթ-Սաբան քաջ էր, խիստ և  
յանդուգն. նա միայն մի ցուսով մի անգամ ջախջա-  
խել էր չորս քիւրդերի, որոնք դաշոյններով նորա վե-  
րայ էին յարձակուել... նա ինքը շատ անգամ հրա-  
մայում էր պահպաններին քնել և միայնակ իւր  
զամիռի հետ, ցուպը ուսին դրած՝ գիշերն 'ի բուն  
անդադար ման էր գալիս և պահպանութիւն անուս:

Երբեմն յանկարծ Խաթ-Սաբան ամբողջ օրը կամ  
ամբողջ գիշերը անհետանում էր, գամիտն իսկ չէր  
տանում հետը. սկզբում այդ բացակայութիւնը սկսեց  
անհանգիստ անել բոշաներին, նոքա հարցնում էին  
նորա ուր լինելու մասին. բայց Խաթ-Սաբան չուզեց  
պատասխանել, իսկ երբ պնդեցին՝ նա ձախ ձեռքով  
մի ուժգին ապտակ խփեց մէկին, ոտով երեք քայլ  
հեռու շարտեց երկրորդին և ցուպը այնպէս տատա-  
նեց ու միակ աչքը ոլորեց՝ որ բոլորը լուեցին և խո-  
հեմութիւն համարեցին այլ ևս չը հետաքրքրուել:

Խաթ-Սաբան երկու աչք ունէր, ձախ աչքի կու-  
րութեան մասին ոչ ոք մի բան չը գիտէր: Այդ այս-  
պէս էր պատահել:

Մի օր Խաթ-Սաբան ցուպը ուսին դրած ան-



հետացել էր և երբ երկու օր բացակայութիւնից յետոյ վերադառնում էր, ձախ աչքը կապած էր մի քիւրջով: Մի ամսից յետոյ քիւրջը արձակեց և նորա տակում տեսնեց միայն մի կոյր աչք առանց սպիտակուցի և բիբի, կարծես փորւած հանած էին այդ մասերը:

Երբ հարցրել էին, նա ցուպը բարձրացել և — 26<sup>րդ</sup> ինչ, գոչել էր — Խաթ-Սաբայից միայն մի Լոմ-Հասանը կարող էր հաշիւ պահանջել, և այդ Լոմ-Հասանն էլ այժմ մեռաւ...

Եւ ամենքը ստիպւել էին լռել:

**Ե.**

Մ Ա Ր Դ Ո Ս

Երզրումի Վաւաղի դրանս կողմէ, եկեղեցւոյ ուղղութեամբ 100 քայլ ցած, գտնուում են մի շարք աներ, որոնց ետևում փռւում են բանջարանոցներ, կողքից անցնում են կեղտոտ ջրերի առուակներ և առջևումը տարածւած է թիւրքաց մեծ դերեզմանատունը:

Այդ աների մէջ միայն մէկը երկյարկանի էր տրանից 7 տարի առաջ. միւսները միայրակ գծուծ շէնքեր էին փոքրիկ լուսամուտներով, ամուր դռներով և ցեխով կամ կովի աղպով ծեփած պատերով: Երկյարկանի տունն իսկ մի այլանդակ կերպա-

րանք ունէր. նորա առաջին չարկի պատերի վերայ գունդ գունդ ծեփւած էին թաց քակուի կտորներ. կողքին գտնուող փոքրիկ հրապարակում դարսւած էին կոյտ կոյտ քարեր, փոքր ինչ հեռու աղպի դէզեր. դռան առջև կար փոքրիկ երկու մարդու կանգնելու չափ մի պարտէզ երեք մանր ուռենի ծառերով միայն զարդարւած և միջից երկուսի բաժանւած այն առուակով, որի միջով անցնում էր Երզրումի կոյանոցի ջրի մի մասը և գնում ջրում էր բանջարանոցները:

Տան վերի չարկը երեք անփեղիկ, անապակի լուսամուտներ միայն ունէր. բաց շինւած էր քարից, իսկ ներքին չարկը, ուր բնակւում էին տանտէրը իւր ընտանիքով, կազմւած էր մի կլոր լայն սենեակից, որի մի անկիւնում կանգնեցրած կար տախտակեայ մեծ թախտ, մի կողմումը ծխում էր թոնիրը, մի ուրիշ անկիւնում դիզւած կար լաւաշ հաց, կողքին ունենալով ալիւրի մեծ դարանը: Անկողին, պղնձեղէն, կարասներ, փոքրիկ մերկ մանուկներ, աւելներ և ջրի ամաններ խառնել էին միմեանց. մի կին մինչև կէս մէջքը կարմիր շալէ մի դոզոց կապած՝ անց ու դարձ էր անում այդ կահ կարասիքների միջով, զոզնոցով հովահրում էր թոնիրի կրակը, կեղտոտ ձեռքերով սրբում էր աչքերից ծուխի պատճառով հոտոդ արցունքը, կրքեմն մի կիցով լռեցնում էր մանուկներից մէկի ճիչը, մի կտոր հաց տալով հեռացնում էր իւր փէշից բռնող երկրորդին և մի տարօրինակ հայերէն հայհոյանք էր արձակում դէպի



երրորդ մանուկը, որը գլուխը կոխել էր կարասներից մէկի մէջ և երգելով աշխատում էր պոկել կարասի կողքերին ամուր կպած զաւուրմայի կտորները:

Իսկ բարձր տախտակեայ թախտի վերայ պառկել էր մի տղամարդ, իւր չիբուխի կծու ծուխը խառնում էր թոնիրի գարշահոտ ծուխին և բոլորովին անհոգ էր վերաբերում դէպի իւր շուրջը կատարած իրողութիւնները:

Դա տանտէրն էր. 30-ից անց մի գեր տղամարդ, ցորենագոյն դէմքով (Թիւրքա-Հայաստանում շատ քիչ կարելի է տեսնել սպիտակ դէմքեր, մանաւանդ տղամարդկանց մէջ), հագած մի կտրուած շալէ լայն վարտիկ, կապոյտ մահաւորից կարկունած բաճկոն, մէջքին տաս տարի կարծես ջրի երես չը տեսած Պարսկաստանի մի մեծ շալ, գլուխը մի իւղոտ ֆէս՝ զգզզած ե ա գ մ ա չ ո վ փաթաթած, ոտքերին մի գուլպա, որի տակը կաշի էր կարած և աւելի հաստ էր, քան մի զինւորական կոշիկի տակը... կուրծքը բաց՝ երևում էր ջղուտ թիկունքը և մազոտ լանջը...

Նա ծխում էր: Նորա երկար չիբուխի գլուխը դրած էր դեղին պղնձեայ մի մոխրամանի մէջ, որի կողքին կար մի սև տուփ մէջը շորի մնձուր, սևացած կայծահանը և կայծաբար. դա նոցա լուցկին էր, լուցկի որից այժմ դեռ ևս գործածւում է Թիւրքա-Հայաստանի շատ կողմերում:

Իսկ երբ մանուկները սկսեցին շատ աղմուկ

հանել և նոցա մայրը իւր տարօրինակ հայհոյանքները աստիճանաբար խստացրեց, այն ժամանակ միայն տանուտէրը չիբուխի ծայրը բերանից հանեց և գոռաց.

— Զայներդ. Մանուկները խսկոյն լուեցին:

Սլոժմ սկսեց մայրը.

— Զայնդ... գոչեց նրան ևս տանուտէրը:

Նւ մայրն էլ լուեց:

— Մարիամ, ասաց փոքրին յետոյ տանուտէրը, ծուխդ քուացնում է ինձ, շուտ արա'...

— Նս ի'նչ անեմ, ճչաց կինը — անիծած աթարները թաց են, մէկ շնորհքով արև էլ չ'եղաւ, որ լաւ չորանան. ցախն էլ երեկւայ անձրևից թրջւել է և չի վառւում, գոնէ փոքր ինչ գեաւան բերէիր սարից.

— Զէ՛ մէկ... դէմքը ծումնկեց տանուտէրը — այս քաղցած փորովս գնամ լեռը քեզ համար գեաւան բերեմ. ա՛յ, այն հին աւելներով վառիր թոնիրը... կերակո՞ւրը երբ կը լինի:

— Նեռ տեսնում ես որ թոնիրը չի իջել. թէ շատ քաղցած ես, քեզ հաց ու պանիր կեր ու գնա:

— Շա՛տ մի խօսիլ կնի՛կ, ես այսօր սարը երթացողը չեմ... քիչ յետոյ Գէորդ աղան պիտի գայ քար առնելու:

Մարիամը երբ այդ լսեց, յանկարծ գործը թողեց, գոգնոցի ծայրով աչքերը սրբեց և ասաց աղաչաւոր ձայնով:



—Ի՞նչ կը լինի, Մարդո՛ս, Գէորգ աղայի փողե-  
րիցը մէկ 50 դուրուշ աուր Ակօին որ իրան հա-  
գուստ առնի...

— Ելի՞, գոռաց էրիկը բարկացած — Ելի՞ Ակօին  
հագուստ. նոր չէ՞ր որ մի ձեռք հագուստ առի:

— Ա՛յ... ե՞րբ էր այդ, անցեալ տարի ձմեռը  
նոր ես համարում... խեղճի վերայ մի շնորհքով  
վարժիկ էլ չի մնացել. կոշիկները խօ, հագար կար-  
կատան ունի վրան. Մարդօսը առանց պատասխա-  
նելու մի քանի կում ծխեց, չիբուխի գլխի մօտից  
կախած սրածայր երկաթով խառնեց ծխանոցը և  
ծանր ծանր ու իւրաքանչիւր բաւը շեշտելով ասաց:

— Հը՛մ... հարիւր հատ քար ծախեմ՝ ասենք  
թէ մեծերից՝ այս քեզ 200 դուրուշ, իսկ եթէ փոք-  
րերից՝ 100 կամ 150 դուրուշ... ցորենի՞ տամ, պա-  
նիրի՞, իւղի՞ թէ Ակօին... Գեռ Զիթողցի խոտ ծա-  
խողն էլ առուօտեան Գէօլ-Բաշիում բողազիցս բռնել  
իւր 40 դուրուշն էր ուզում... չէ՛, ախպէ՛ր... Ակօն  
թող սպասի դեռ... Աստուած ողորմած է, հալբաթ  
էլի քար առնող կը լինի, հիմա ես փուշ շինել ուող  
շատ կայ...

— Մա՛րդ, աղայեց կինը — խեղճ Ակօն բոլորովին  
մերկ է մնացել. ասում է թէ վարժարանում վար-  
ժապետները միշտ կուռում են հետը, ընկերները  
ծաղրում են.

— Ը՛մ... ահազին էլ է դարձել, ծաղրելուց էլ  
է վախենում, կասես 10 տարեկան աղայ լինի. չէ՛,

էդուց-էլօր վարժարանից պիտի հանեմ ու հետս քար  
կորելու տանեմ. քսան տարեկան կը լինի շու-  
տով...

— Ինչ անի խեղճը որ ուշ ենք ուսումի տեւ.  
ինքը քիչ է ամաչում, որ տաս տարեկան աղաների  
հետ է նստում. միտդ չէ՞ ինչ հալ քաշեցի, մինչև  
որ ընդունել տւի. ասում էին մեծ է... մեծացել է  
բան չի սովորիլ. խեղճ Ակօն, տեսնէիր երէկ ինչ-  
պէս Պօղոս պատուելին գովում էր... ասում է թէ  
չշատ լաւ է սովորում, համեստ է, միշտ եկեղեցի է  
գալիս... վարժարան մտնելիս գնում վարժապետների  
ձեռքն է համբուրում, սկի չի խաղում, հենց միշտ  
կարդում է. ա՛յ, գնա դուրսը տես, քարերի ետևը  
նստել է ու գիրք է կարդում...

— Ա՛ւ, լա՛ւ, վարդապետ խօ չի՞ դառնալու.  
կանչիր զայ մէկ տեղ ուղարկեմ.

Մարիամը դռան մօտեցաւ, գլուխը դէպի փո-  
ղոցը պարզեց և գոռաց.

— Ակօ՛, Ակօ...

Քարերի կոյտերի ետեւից դուրս եկաւ մի երկա-  
րահասակ զեղեցկադէմ պատանի, խոշոր սև աչքե-  
րով, սև մազերով, թանձր յօնքերով... բեխերը նոր  
սկսել էր բուսնել. վայելուչ ուղիղ հասակ ուներ,  
սիրուն լացն դէմք, կոկ կարմիր այտեր, փոքրիկ կա-  
նացի բերան... մի խօտքով Ակօն — Մարիամի միակ  
եղբայրը — մի զեղեցկադէմ պատանի էր, թաղի բո-  
լոր աղջիկները շատօնց իրանց աչքը նորա վրան էին



ձգել, տաճիկ աղաները կանգնում և նորան էին նա-  
յում երբ անցնում էր և փոքր ինչ հեռու Մ. Կի-  
րակոս աղայի քոչը միշտ նորա հետ խօսակցութեան  
էր մտնում, երբ սա դպրոցից տուն էր վերադառ-  
նում գրքերը կանտակին:

Եթէ հազցնէին Ակօին մի կանոնաւոր հագուստ,  
թաղի մէջ ամենագեղեցիկը պիտի համարէր. սա-  
կան նորա վրայի բաձկոնը, ֆէսը և վարտիկը հա-  
զար ծակեր ունէին, կոշիկը մի հօխա ծանրութիւն՝  
իւր վերայ կրող այլանդակ կարկտաններից, մազերը  
խոխ և կեղտոտ, ձեռքերը ձաքճքաճ և կեղտի  
տառթ կապած, իսկ գէմքը թէև միշտ լւանում էր,  
սական կամ կը թանաքոտէր և կամ անուշադրու-  
թեամբ կը սևացնէր եկեղեցւոյ սև պատերը համ-  
բուրելու ժամանակ:

Երբ քոչը կանչեց, Ակօն ծալեց ձեռքի գիրքը  
և մօտեցաւ. քոչը գգւանօք նորան նայեց և

— Քեզի զւարթան, Ակօ՛, ասաց, փեսադ քեզ  
տեղ պիտի ուղարկի, կերթա՛ս:

— Կերթամ, ասաց Ակօն խոնարհութեամբ և  
քրոջ հետ ներս մտաւ:

Երբ ներս մտան՝ տանուտէրը թողել էր չիբուխը  
և մատներով հաշիւ էր տեսնում:

— Ակօ՛, գոչեց նա խիստ ձայնով, գնա հաջի:  
Մկրտիչ աղայի օղան և ասա որ քարերը եկել  
են... բայց, այդ ի՞նչ է հագուստներիդ, փի՛նթի,  
դեռ երէկ էր որ նոր հագուստ հագար, ո՞վ

գիտէ ինչ չափ խնուութիւններ <sup>1)</sup> ես անում...

Ակօն լուռութեամբ գլուխը կախեց:

— Մա՛րդ, գոչեց կինը— խեղճ Ակօն ի՞նչ անի,  
որ իւր վրայի շորը մի տարիից աւելի չի գիմանում:

— Զա՛յնդ, գոռաց տանուտէրը, յետոյ դարձաւ  
Ակօին և ասաց— գնա՛, շո՛ւտ արի...

Ակօն տեղից չը շարժեց:

— Հ՛ը, գոռաց Մարտո՛սը, — քարացե՞լ ես ի՞նչ  
է, չես լսում, գնա և շուտ արի...

— Զեմ՛ գնա՛... ինձ ծեծում են տաճարի փո-  
ղոցում...

— Ծեծում են, ծիծաղեց Մարդոսը— վա՛յ իշի  
լակոտ վա՛յ, ահագին եզ ես դարձել ու ծե՛ծ էլ ես  
ուտում:

— Ինչ անեմ, թո՛թոյեց Ակօն, Կարապետ պատ-  
ւելիի հինգ տղերքը փայտերով վրաս են թափվում  
ու ծեծում թէ ի՞նչ է, ես նրանց դասը չեմ սովո-  
րեցնում:

— Ի՞նչի չես սովորեցնում, բոչայի լակո՛տ:

— Ես ինքս եմ սովորում:

— Հա՛յտէ, գնա՛, հղպէս քարոզներ շատ ենք  
լսել, թամբա՛լ... ասա, որ քարերը եկել են... շո՛ւտ...

Ակօն դողդողալով դուրս գնաց և նստեց փողոցի  
դռան վերայ ու սկսեց լաց լինել, իսկ քոչը մէկ  
նորան և մէկ ամուսնուն էր նայում:

<sup>1)</sup> Արիկապութիւններ:



— Կորսելի՛ր, գոռաց նորա վերայ Մարտոսը, ձրի հաց ուտել զիտե՞ս, թամբալ, շուտ թէ չէ հոգիդ կը հաննամ, և խլեց պատին կռթնեցրած շիբուխը—տես քեզ ինչպէս կ'ուղարկեմ...

— Ախօն ոտի ելաւ, բայց չը գնաց:

— Ձեռ լսում հա՞, գոչեց Մարդոսը:

Հագաւ կօշիկները ու ցած իջաւ շիբուխը բարձր բռնած, հրեց իւր դէմը կանգնած աղաչաւոր կնոջը և փողոց դուրս եկաւ...

Բայց այդ միջոցին պարտիզի պատի մօտ նստած մի երկարհասակ կին, որը, ոտերի մէջ առած մի ահագին ցուպ, կողքին ունենալով մի մեծ գամփո, ննջում էր, գրաւեց Մարդոսի ուշադրութիւնը, նա մոռացաւ Ախօին, որը հեռու կանգնած դիտում էր, և մի քայլ արեց դէպի կինը:

Այդ ցնցոտիներով, բայց խոշոր մարմնով կինը գլուխը ձեռքերի մէջ առել, յայտնի չէր իսկապէս թէ քնած էր կամ արտասուում էր:

Երբ Մարդոսը մօտեցաւ, գամփոը գլուխը բարձրացրեց և մումռաց. կինը ցնցւեց, ձեռքերը ետ քաշեց և դէմքը ցոյց տաւ:

Միականի էր:

— Խաթ-Սաբա՛... գոռաց Մարդոսը ետես քաշուելով...

2.

ՄԱՅՐ ԵՒ ՈՐԴԻ

Մարդոսը Խաթ-Սաբայի երկրորդ որդին էր, որ բաժանւել էր իւր ցեղից, եկել էր գրում պսակել էր մի ուրիշ բոշայի աղջկայ վերայ և քարհասութիւնով էր զբաղւում:

Մարդոսը թէև բոշա էր ինքը, թէև բոշայի աղջիկ էր առել, բայց մտածելով այդ նախատականն անունից բոլորովին ազատուել, այսպիսի փոփոխութիւններ էր սկսել մտցնել իւր տան մէջ:

Կնոջը հրամայել էր, որ իւր ազգականների հետ երբէ՛ք չարաբերութիւն չ'ունենայ. որդիներին հացկական զուտ անուններով էր յորջորջում, բոշաների երեսին երբէ՛ք չէր նայում և բացի իրանից ոչ ոք չը զիտէր թէ ինքը հայր-մայր ունի՞ թէ ոչ և եթէ ունի, ի՞նչ ցեղից են. երկչարկանի սներ շինեց, բոշայական բոլոր սովորութիւնները վերցրեց իւր սնից, հրամայեց իւր կնոջ այլ ևս իրան «բոշայի աղջիկ» կոչելու թող չը տալ և որ առաւելն է, իւր որդիներին սովորցնում էր ծաղրել երբեմն քաղաքում թափառող բոշաներին, վազել նոցա ետևից, քարեր ձղել, «մուռտառ բոշա» կանչել և «բոշան եկաւ, քեզ կը տանի» բառերից աւելի սարսափել, քան «թիւրքը եկաւ կամ բողբոջը քեզ կը տանի» բառերից. Աւելի քան տաս ոտարի էր, որ Մարտոսը մտցրել էր



իւր տան մէջ կրթութեան այդ ձևը, այնպէս, որ կինը այժմ վարժել էր այլ ևս «բոշա» ասելով շնից ցած արարած հասկանալ, «բոշայի լակոտ» լսելով վիրաւորել սաստիկ, վարժել էր իրանց տունը եկող մնող ծախող բոշաների վերայ կասկածանքով նայել և զգուշանալ, որ բան չը գողանան, մոռացել էր բոշայական առանձին շեշտը և լեզուն, սովորութիւններն իսկ սկսում էր կամաց կամաց փոխել և Մարտիրոսը տաս տարի աշխատելուց յետոյ յաջողել էր բոլոր քաղաքից ճանաչել զուտ հայ. այդ էր նորա փափաղը, այլ ևս ոչ ոք զիտէր, որ թէ ինքը և թէ կինը բոշա էին, որովհետև կնոջ ճնտղները մեռել էին և միայն Ափօն էր մնացել նրանցից:

Եւ եթէ Ափօն էլ դպրոցում «բոշայի լակոտ» էին անւանում, այդ նրանից էր, որ Ափօն շատ սէր ունէր թափառելու, անդադար գերեզմանատան ծառերի տակ գնում նստում էր, կիւրակի օրերը օրն ի բուն շրջակայ լեռները, Կըրք-Նէյիրման, Փալանթէօքանի, Լուսաւորչայ վանքի և այլ լեռների մէջ մենակ թափառում էր, բանջարներ էր ժողովում քաղաք բերում և ծախում էր իւր թղթի և գրքի համար փող ձարելու, դպրոցի մէջ ահագին առևտուր էր դարձնում գրչի ծայրեր, կոթեր, թուղթ, հին գրքեր էր առնում և ծախում, փողը հաւաքում քրոջն էր տալիս, սակայն ոչ ոք չը զիտէր, որ Ափօն այդ գումարը գործադրում էր ուսման պարագաների համար, պարագաներ, որոնցից ամեն տե-

սակից և շատ պահանջել զիտեն թիւրքահայոց ուսուցիչները:

Այդ բանի համար Ափօն «բոշայի լակոտ» էին անւանում:

Ափօն լսելով այդ նախատական ածականը գանգատում էր, ծեծկռւում, լաց էր լինում և հագիւմի քանի տարի յետոյ վարժեցրել էր իւր ընկերներին այլ ևս իրան «բոշայի լակոտ» չը կոչել:

Եւ այսպէս Մարտոսը լիովին հասել էր իւր փափաղին, այլ ևս նա և իւր ընտանիքը բոշաներ չէին, այլ միայն Երզրումի փոշա-Մահալէի հայ բնակիչներից ամենահարուստը և երկարկանի տներ ունեցող Կարապետի որդի Մարտիրոսը, կարճ բառով — Կրպօնց Մարտոսը:

Նա արդէն մտածում էր, որ իւր մայրը մեռած կը լինի և ցեղակիցները աշխարհի, ո՞վ զիտէ, որ ծայրը կը լինին:

Ուստի, քարացաւ, երբ Ափօն չիբուխով ծեծելու ժամանակ իւր դրան մօտ տեսաւ իւր մօրը-Խաթ-Սաբային, զինւած ահագին վիզով և դամիւռի հետ: Խաթ-Սաբան նրան նայեց, ոտքի ելաւ և ասաց խուլ ձայնով և բոշայական բարբառով:

— Սիսորո՞վի է (ա՛յս է տունդ):

Ու մի քայլ յառաջացաւ դէպի զուռը:

— Մարտոսը թողեց մօտենալու դրան, բայց երբ մայրը կամենում էր մոնել, մի ոստիւն զործելով փակեց նորա դէմը և կկմալով ասաց.



—Այդ չէ իմ տունը:

Ախ, այդ չէ՞, ուրեմն ո՞րն է տունդ, ներս գնանք, մայրդ յոգնել է, բայց կը խմի մի գաւաթ ջուր և բեզ կասէ իւր ասելիքը, որի համար նա երեք օրւայ ճանապարհ է կտրել և եկել է Երզրում:

Մարտոսը շփոթւել էր և չը գիտէր ինչ անել. այդ միջոցին կինը դուան վերայ երևաց և տեսնելով, որ իւր ամուսինը մի բոշա կնօջ հետ խօսում է, իսկ Ահօն ազատ, հեռուից դիտում է, ժպտեց և ասաց.

—Մարտո՛ս, կերակուրը պատրաստ է, արի հաց ուտենք:

—Ա՛, գոչեց Խաթ-Սաբան—ուրեմն այս է եղել տունդ և դու ինձ խաբում ես, իսկ սա էլ կի՞նդ է... հը՛մ, վատ կին չի երևում, բայց շատ թոյլ է... ներս մտնենք:

Եւ առանց այլ և այլութեան ներս մտաւ, կանչեց գամփոխն իւր մօտ, նստեց թոնիրի կողքին փուած փսիաթի վերայ, ցուպը ծնկների վերայ դրաւ ու դառնալով տանտիկնոջ՝ ասաց.

—Հա՛րս, թէ թան ունիս մի քիչ թան տուր, թէ չ՛ունիս, մի աման ջուր տուր.

Մանուկները, որոնք մինչև Խաթ-Սաբայի խօսելը լուութեամբ դիտում էին այդ տեսարանը, ջանկարծ ծափահարեցին և մօտենալով գոչեցին.

—Վա՛յ, բոշա է եղել...

—Մէկ աչք ունի, ծիծաղեց երկրորդը:

Մարտոսը երկու ուժգին հարւածներով կտրեց նրանց խօսքը և հրեց մի կողմ:

Սակայն Խաթ-Սաբան արդէն լսել էր ամեն ինչ. կատաղութեամբ աչքերը ոլորեց, դունաթափւեց, ցուպը բարձրացրեց, բայց նորէն ցած ձգեց և գլուխը խոնարհեցնելով մոմուաց:

—Ի՞նչ կայ, բոշա եմ և մի աչք ունիմ... Ի՞նչ վատ բան է այդ...

—Իրա՞ւ է, ասաց այդ միջոցին Մարիամը մօտենալով Խաթ-Սաբային մի թաս թանով—դու բոշա՞ ես:

Խաթ-Սաբան առաւ թասը, ոտքից մինչև գլուխ չափեց հարսին և ասաց խստութեամբ:

—Իսկ դո՞ւ, էրի՞կդ և տղանե՛րդ բոշա չէ՞ք:

—Մենք բոշա չենք, պատասխանեց Մարիամը և ձեռքը դէպի նա պարզելով աւելացրեց—թասը ետ տուր, շուտ արա՛, չը դնես տոպրակի մէջ:

—Կնի՛կ... գոռաց Մարտոսը:

Խաթ-Սաբան դէն շարտեց թասը և կասկարմիր կտրած վեր թռաւ տեղից, գամփոք ատամները ցոյց տուեց և սկսեց մոմուայ և Մարիամը մի ճիչ արձակելով ետ ետ քաշւեց:

—Մա՛րդ, այս բոշային ինչո՞ւ ներս թողիր, գոչեց նա—հիմա տղաներիս մէկը կը տանի կամ մի բան կը գողանայ:

—Կնի՛կ... որոտաց Մարտոսը— ձայնդ կտրի՛ր...

—Ձէ, չէ՛, ասաց Խաթ-Սաբան— թող որ բոլորը



ասի... ասա', սիրուն հարսս, էլ ինչ ասելիք ունիս

— Դուրս գնա', ճշաց Մարիամը— մարդուս խելքին ասա, որ քեզ ներս թողեց.

— Այդ է բոլորը, պատասխանեց Խաթ-Սաբան— լա'ւ, այժմ բեր ինձ նորից մի աման թան և զիտցի'ր, որ բոլորդ էլ ինձ նման բռնաներ էք. եթէ ես տղայ փախցնող եմ, դուք էլ էք, եթէ գող եմ, դուք էլ գող էք...

Նորից նստեց, մի շանթահար ակնարկ ձգեց որդու վերայ և ասաց բռնապահան լեզուով:

— Եթէ մեր ցեղի օգուտը չը լինէր, այս կնոջդ թոնիրը, իսկ տղաներիդ կարասներն մէջ կը խոթէի...

— Ների'ր, ասաց Մարտոսը— չը գիտեն...

Մարիամը, որ մի քիչ հասկանում էր այդ լեզուն, զարմացաւ բռնա կնոջ յանդուգն խօսքերի և իւր մարդու ճանաչելիքն ընդհատեց վերայ. լռութեամբ մի թաս թան տուաւ, յետոյ տղաներին իւր կողքին հաւաքեց և մի անկիւնը քաշեց, իսկ Ագոն փողոցի դռնից ներս մտաւ, կծկեց ալիւրի դարանի կողքին և լռութեամբ դիտում էր այդ տեսարանը:

Խաթ-Սաբան տեսաւ նրան:

— Ո՞վ է այն, հարցրեց նա իւր որդուն:

— Կնոջս եղբայրն է:

— Հը՛մ... գեղեցիկ տղայ է. իսկ երե'ք որդի ունիս:

— Այո', երեք:

— Երե'քն էլ բռնաներին ատում են:

Մարտոսը չը պատասխանեց:

— Եւ դո՛ւ, դո՛ւ էլ ատում ես քո ցեղակիցներդ...

— Ե՛ս, թոթովեց Մարտոսը— ինձ համար բոլորն էլ մէկ են, հայ, թուրք կամ բռնա, բոլորն էլ մարդիկ են...

— Լաւ բռնան այդպէս չի ասիլ, այլ կ'ասի: Ես բռնա եմ, իմ բարեկամներս նրանք են, որոնք չեն ատում բռնաներին, թշնամիներս նրանք՝ որոնք հանգիստ չեն թողնում նրանց... բայց դո՛ւ, երևի այլ ևս բռնա չես, ով գիտէ թիւրքացել ես... երանի հայ լինէիր, հայը գոնէ մեզ նման ճնշած մի խեղճ ժողովուրդ է և հասկանում է բռնայի ցաւերը... խօ չե՛ս թիւրքացել:

— Ես Աստուածապաշտ եմ...

Խաթ-Սաբան ուշադրութեամբ նորան նայեց, յետոյ Մարիամին դարձաւ, հեգնութեան մի ակնարկ ձգեց նորա վերայ և ասաց.

— Հա՛րս, գիտե՛ս որ մարդդ իմ որդին է, դու իմ հարսն ես և որդիներդ իմ թոռներն են:

Իբր պատասխան դրան, թոռներից մէկը զլուխը դուրս հանեց մօր թևի տակից, միջահատեց տառի խօսքը և գոռաց:

— Ե՛ն ինչ բռնա...

Խաթ-Սաբան գունաթափեց, աչքը փայլեց, մի ոստիւն գործեց դէպի թուրք, բայց այնտեղ կանգ առաւ, չորս կողմը մի ակնարկ ձգեց, եկաւ որդու առջևը կանգնեց և գոռաց.



— Այս դո՞ւ ես սովորեցրել սրանց... 'ի հարկէ դու ես սովորեցրել...

Մարտոսը չը զիտէր ինչ անել, կատաղի ակնարկներ էր ձգում որդիների վերայ և մոմոում էր:

— Փողոցիցն են սովորել... փողոցիցը...

— Հայրի՛կ, գոչեց այն կողմից երկրորդ որդին — ես էլ ասե՞մ շուն բոշա...

Խաթ-Սաբան ցուպը ձեռք առաւ, քայլեց դէպի դուռը, յետոյ դարձաւ և ասաց որդուն:

— Հասան-Ղալալի բեգը մեր ցեղից 10 մարդ բռնել բանդն է դրել, մեր տաւարները քիւրդերը տարել են, լումերը քաղցած են և խեղճ, ինձ ասացին, որ դու բեգի հետ բարեկամ ես, ոչինչ չե՞ս կարող անել ցեղակիցներիդ համար...

Այս սառնութեամբ ասած խօսքերին Մարտոսը պահ մի չը կարողացաւ պատառխանել. կարմրեց, հազաց և կմկմաց.

— Թէև շատ բարեկամ եմ բեգի հետ, բայց չեմ կարող անել, որովհետև նա չը զիտէ որ ես էլ բոշա եմ...

— Հը՛մ, զիտէի որ այդպէս էր... այժմ, մնաս բարև, լումերը մի կերպով կ'ազատեն... բայց սկսած քո մօրից մինչև յետին Լոմը անիծում է քեզ՝ լինի նա ազատ կամ բանդարկած... վախեցիր նրանց անէծքից, որովհետև մօրդ անէծքը խառնուում է նրանց հետ... մնաս բարև... գնա մզկիթումդ աղօթիր, դռանդ առջևը հաւաքւած շներին հաց ցրել՛ր

1) և սովորեցուր թռուներիս, որ իրանց տատին շուն բոշա կոչեն... անիծւի՛ս դու տնովդ տեղովդ...

Մի քայլ արաւ դէպի դուռը և երբ կամենում էր դուրս ելնել, տեսաւ Ակօին, կանգնեց նորա մօտ, պահ մի զիտեց նորա պատենական սիրուն դէմքը, յետոյ ձեռքը պարզեց դէպի նա և ասաց.

— Տղա՛յ, սիրեցի քեզ, ձեռքդ տուր տեսնեմ...

Առաւ ձեռքը, պարզեց դէպի նա և ասաց.

— Կը գա՞ս ինձ հետ, թէ չէ դու էլ դրանց պէս մեզ շուն բոշա» ես կոչում... կը գա՞ս...

Ակօն քրոջը և փեսային նայեց:

— Ա՛խ, հասկացայ, ժպտեց Խաթ-Սաբան-դրանք քո տէրերն են... դու լա՛ւ ասպազայ ունիս, եթէ երբէք կամենաս քո ցեղակիցներիդ միանալ՝ գնա՛ Թորթո՛ւմ, Լոմ-Գրիգորին հարցուր և կը հասնես նպատակիդ...

Ասաց, մի քայլ արեց դէպի դուռը, այնտեղ կանգ առնելով դարձա՛ւ, ձեռքը բարձրացրեց,

— Վա՛յ քե՛զ... գոչեց և արագութեամբ դուրս գնաց:

Գամփուր նոյնպէս դարձաւ, ատամները ցոյց տւեց Մարտոսին, մոմոաց և վազէ՛ի վազ հետևեց Խաթ-Սաբային, որը արագ քայլերով դէպի Ղաւազի դուռն էր գնում առանց ետ նայելու:

1) Մահմեդականները այդպէս են անում. շարաթը մի քանի անգամ շների համար լատկապէս հաց են առնում և հաւաքելով նոցա կտրտում նոցա առջև: Երբբուր Մուսաֆալ փաշան Նշանաւոր էր այդ բանի մէջ:



Է.

Տ Ո Պ Ր Ա Կ Ն Ե Ր Ի Տ Ո Ւ Ր Ք

Դաշտի մէջ ետ մնացող երեք այր, երեք կին և չորս մանուկ բոշաներ հարկահան զինուորներից բռնել և բանդարկել էին Չանդաղում, դեռ ևս պատճառը յայտնի չէր: Լեռնում քիւրդերը խմբով յարձակել էին բոշաների նախիրի վերայ, սպանել էին երկու բոշաների և տաւարները տարել. միայն Մուրատը կարողացել էր փախչել և Զիւլինի զիւզում պպասող բոշաներին իմաց տալ իրանց կրած այդ մեծ հարւածը:

Բոշաների խումբը մնում էր անօթի, հագիւ տաս օրւայ պաշար ունէին. փորձեցին գիւղերն իջնել, բայց իջնողը բռնուում էր և բանտարկուում: դաշտը զինուորներով լիքն էր. բոշաները վախից զիշերները կրակը անգամ չէին վառում. սկսել էին բանջարեղէններով կերակրելը, ամենքի ունեցածը մէջ տեղ բերին և հասարակաց բաժին դարձրին, բայց ծերունիները արդէն սկսել էին մտածել ապագայի համար և մի զիշեր ժողով կազմելով Խաթ-Սաբալի վրանը մտան: Խաթ-Սաբան ինքն էլ մտածում էր: Խորհուրդը նրանով վերջացաւ, որ Խաթ-Սաբան ցուպը ձեռքն առաւ, զամիրին սուլեց և գնաց Երզրում. նա զիտէր, որ իւր մեծ որդին Հասան-ղալալի բէգի մօտ բարեկամն էր, թէև կասկածում էր որ Մար-

տոսը բոշաների համար մի բան անէր, բայց ուզեց փորձել և եթէ չը յաջողէր, մաաղիր էր Երզրումի մէջ յայտնի բարեսիրտ հայ ծերունուն դիմել:

Եւ երբ Խաթ-Սաբան Երզրումումն էր, Զիւլինի մէջ լցւած զինուորներից մի խումբ պատահմամբ Զիւլինի զիւզից անցնելով բոշաների տեղը երևան հանեց:

Խումբը շրջապատեց բոշաներին և իրանցից մէկին ուղարկեց դաշտը՝ Չանդաղում նստած բէգին իմաց տալու, որ տուրքի նոր աղբիւրներ են գտնւած...

Միւս օրը առաւօտեան, Հասան-ղալալի բէգը քսան զինւած ձիւաներով Զիւլինի զիւզը եկաւ և իջաւ ամենալաւ վրանի տակ:

Բոշաները զողջողալով սպասում էին, կանայք չէին երևում, իսկ մանուկները խումբ առ խումբ թաղնւած խոտերի մէջ դիտում էին նոցա:

Բէգը հրամայեց բոշաներին, որ իւր մօտ կանչեն իրանց ցեղապետին:

— Ո՞վ է ձեր ցեղապետը, հարցրեց նա բոշաներից:

— Մեր ցեղապետը այստեղ չէ, պատասխանեց մի ծերունի բոշա մօտենալով:

— Որտե՞ղ է:

— Երզրում է գնացել:

— Ի՞նչ է նորա անունը:

— Խաթ-Սաբա:

— Բէգը մի քրքիջ արձակեց և նորա զրազիրը



ու հարկահանը պարտք համարեցին նոյնպէս ծի-  
ծաղելի:

—Այդ ի՞նչ այլանդակ անուն է, գոչեց բէգը:

—Չարմանալի անուն, վրայ տուա զրազիրը:

—Անասունի անուն է, աւելացրեց հարկա-  
հանը—գրանց ցեղապետը կամ մի շուն կը լինի և  
կամ մի խոզ, չէ՞ որ սրանք հայ բոշաներ են...

Եւ բոշաները լսում ու հասկանում էին այդ  
բոլորը:

—Ապա՛, ծիծաղեց բէգը ճաշակելով իւր առջև  
գրեած կարագը, որը գտել էր մի դաբթ ի է տակն  
ու վրայ անելով ամբողջ օբան և մտրակի հարեած-  
ներ տալով կանանց և մանուկներին—ապա՛ ասէք  
տեսնենք, ձեր ցեղապետը ի՞նչ տեսակ ջէն է էր է...

—Կին է, ասաց ծերունին:

—Կի՞ն, գոչեց զարմացմամբ բէգը:

—Կի՞ն, առանց բեխտօրի, բերանը բաց արեց  
գրագիրը:

—Եւ շրջազրեատո՞վ ու երկար մազերով—վեր  
թռաւ տեղից հարկահանը:

—Հետաքրքրի՛ր է, ասաց գրագիրն և հարկա-  
հանին դառնալով բէգը:

—Է է տ <sup>1)</sup> էֆէնդի՛մ... դիտեց գրագիրը խո-  
նարհելով:

—Սահէ բուջուրուրսունուզ <sup>2)</sup> աւելացրեց հար-

<sup>1)</sup> Այն:

<sup>2)</sup> ձշմարիտ էք հրամայում (ասում):

կահանը նստելով—բայց ափսոս որ այստեղ չէ...

Եւ լռեցին, որովհետեւ բէգն էլ լռել՝ կարագ  
էր ուտում և աչքի տակով հեռուում պատկառանք  
կանգնած բոշաներին էր նայում:

Ձինւորները ձիերից իջել, նոցա ոսները կապել  
և արածելու էին թողել, իսկ իրանք երբ վրանները  
մտնելով ու մտրակներով մի քանիսներին ծեծելուց  
յետոյ, ուտելու ոչինչ չէին գտել՝ իրանց պայուսակից  
հանել էին կապոցներով հաց, միս և փոխինդ՝ փոււել  
էին վտակի եզերքը և ճաշում էին քաղցած բոշա-  
ների աչքի առջև, որոնցից կը խլէին յետին ուտե-  
լիքը, եթէ սոքա ունենային:

Երբ բէգը բաւական կերաւ, դարձաւ իւր գրագ-  
րին և ասաց.

—Համով կարագ էր...

—Է է տ, էֆէնդիմ, պատասխանեց գրագիրը.

—Գեռ այսօրեայ կարագ է... աւելացրեց հար-  
կահանը և կողքին գրեած մի հաստ տետրակ ձեռքն  
առաւ:

—Հա՛, խօսեց բէգը—Ալլէէին էֆէնդի, կար-  
ծո՞ւմ ես, որ այս խեղճ բոշաները տաւարներ ու-  
նենան:

—Ունին, դիտեց հարկահանը—այս կարագը  
նոր էր:

—Շատ էլ նորը չէր, դիտեց բէգը:

—Ի հարկէ նորը չէ, ասաց գրագիրը շօշափե-  
լով մնացորդ կարագը:



— Այո՛, շատ էլ նոր չէ, աւելացրեց հարկահանը  
ճաշակելով կարագից մի կտոր, այնուամենայնիւ կու-  
նենան տաւար, [Թող հարցնեմ... Յետոյ դարձաւ բո-  
շաներից մի ծերունիի և ասաց կոպտութեամբ.

— Մօտ արի. ծերո՛ւնի:

Ծերունին մի քայլ մօտեցաւ:

— Անունդ ի՞նչ է:

— Սախակ...-

— Քա՞նի տղայ ունիս:

— Տղաներս մեռել են:

— Քանի՞ կնիկ ունես,

— Մէկ հատ:

Բէզը միջահատեց և ասաց հարկահանին:

— Ի՞նչ աւելորդ հարցեր են դրանք:

— ձիշտ էք հրամայում, էֆէնդիմ, բայց ես  
գիտեմ սրանց հետ խօսելու ձևը... նախ սրտացաւ  
կ'երևամ, որ ինձնից բան չը պահեն...

— Ծերո՛ւնի, դարձաւ նա բոշային— քանի՞ տա-  
ւար ունիս:

— Տաւար չունիմ...

— Իսկ այս միւսնե՞րը...

— Ոչ մէկս էլ չունենք:

— Սո՛ւտ է, գոռաց բէզը:

— Այո՛, սուտ է, գոչեց գրագիրը:

— Աղա՛, ասաց բոշաներից մէկը մի քայլ յառա-  
ջանալով դէպի վրանը— Ի՞նչու սուտ խօսենք... քիւր-  
դերը վրայ տւին և մեր նախիրը բոլոր քշեցին տա-

բան... քսան կով, 20 ոչխար, 4 էջ և 6 ձի... բո-  
լորը տարան...

— Գրի՛ր, Ահմէդ էֆէնդի՛, ասաց հարկահանը  
գրագրին-քանի՞ ոչխար ասացիք, դարձաւ նա բոշա-  
յին 18° հատ:

— 20 հատ... բայց այժմ մի հատ էլ չը մնաց:

— Այդ իմ գործը չէ... յետո՛յ, 4 է՞ջ... գրում  
ե՞ս Ահմէդ էֆէնդի՛... 6 հատ էլ ձի... լաւ յիշողու-  
թիւն ունիմ...

և և ժպտեց գոհութեամբ:

— Ե՛, ասաց նա բոշային դառնալով-ուրեմն յի-  
տուն հատ տաւար ունիք, հը՛մ, լա՛ւ...

— Չունինք այժմ մի հատ էլ, աղա՛, գոչեց  
ծերունին-քիւրդերը տարան, մեզ քաղցած [Թողին,  
հիմա մենք խոտերով ենք կերակրում:

Բէզը թիկն տւած՝ ծխում էր, գրագիրը գրչի  
կոթով ականջն էր խառնում, իսկ հարկահանը տես-  
բակն էր քրքրում:

— Լա՛ւ, դարձաւ նա ծերունի բոշային-50 տա-  
ւարը ունիք, իսկ քանի տղամարդ կայ ձեր օբայի մէջ:

— Ութ հոգի ենք, երկուսին քիւրդերը սպա-  
նեցին:

— Գրի՛ր, Ահմէդ էֆէնդի— տասը նիւֆիւս:

— Տասը չենք, նորէն մէջ մտաւ ծերունին— եր-  
կուսին քիւրդերը սպանեցին:

— Ե՛ս ինչ անեմ, ուսերը թոթուեց հարկահանը—  
լա՛ւ, այժմ ասա ինձ, քանի կին-մարդ կայ օբայում:



— Երեսունից աւելի կան:

— Վա՛հ, գոչեց բէգը-այդչափ շա՛տ:

— Նրանց մարդիկ դաշտուսն էին, դուք բռնել էք ու բանդարկել, ասաց ծերունին:

— Ա՛յ, ծիծաղեց հարկահանը— նրանք ձերոնցի՞ց էին... լա՛ւ, գրի՛ր Ահմէդ էֆէնդի՛, 35 կամ 40, (ի հարկէ 40 կը գրես) կին և մարդկանց վերայ աւելացուր 15 հոգի... ծերո՛ւնի, դարձաւ նա բոշաչին, բունաճները 15 հոգի են և ոչ 10-ը... ես լաւ յիշողութիւն ունեմ, սուա էլ խօսել չը գիտեմ... գրեցի՛ր, Ահմէդ էֆէնդի... այժմ ջէմ արա...

— Իսկ սրանք մանուկներ չունի՞ն, հարցրեց բէգը յօրանջերով:

— Մանուկները չենք հաշուել, խեղճ են, դիտեց հարկահանը-մանուկներին մեծանալու ժամանակ կը հաշուենք... տեսնո՞ւմ ես, ծերո՛ւնի, դարձաւ նա բոշաչին-ես գութ էլ ունեմ... լա՛ւ... այժմ մի բան մնաց... ջէմ արի՛ր, Ահմէդ էֆէնդի:

— Արեցի, դիտեց գրագիրը-քսան կով, հատը 3 զուրուշից՝ 60 զուրուշ, քսան ոչխար, հատը 2 զուրուշից 40 զուրուշ, 4 էլ և 6 ձի-հատը 5 զուրուշից՝ 50 զուրուշ՝ այդ քեզ 156 զուրուշ... քիչ եղաւ, բայց ճիշտը այս է... 25 տղամարդ, հատը 18 զուրուշից՝ 450 զուրուշ, 40 կնիկ, հատը 4 զուրուշից 160 զուրուշ... բոլորը միասին... շատ չէ, միայն 760 զուրուշ, 40 զուրուշ էլ գրագրի և թո՛վջիի վարձը՝ 800 զուրուշ... չնչին գումար,

սրա համար չարժէր էլ երկու ժամուայ ճանապարհ ելնել գալ...

— Սպասի՛ր, գոչեց հարկահանը— մի բան մոռացել էինք, սրանք բոլորը միասին 55 կամ 60 հոգի չե՛ն. ամեն մէկը մի մուրացկանութեան տուրակ կ'ունենայ, ինչպէս որ ամեն մի «չինգէնէ» ունի... դեռ մանուկներինը չեմ հաշուում... հատը 30 զուրուշից քանի՞ կ'անի:

— Ա՛յ, այդ լաւ, ժպտեց գրագիրը-այժմ գումարը մեծացաւ... և հաշուելով՝ ասաց-ընդամենը 2600 զուրուշ... մի կլորիկ գումար... 60 տուրակ հաշուեցի... հը՛, ի՞նչպէս է, լաւ թւաբանութիւն գիտե՞մ...

Այդ միջոցին բէգի աչքերը փակուել էին և նա արդէն քնել էր գլուխը դրած թւի վերայ:

Բոշաները սարսափմամբ լսում էին այդ հաշիւները և, երբ գումարը լսեցին, մի բարձրաձայն քրքիջ արձակեցին:

— Ի՛նչ է այն, գոչեց բէգը վեր թռնելով:

— Ի՛նչ պիտի լինի, աղա՛, ասաց մի ծերունի բոշա— այս աղաները հաշուեցին, որ 2600 զուրուշ պիտի տանք...)

— Հը՛, ի՛նչ կայ, ասաց բէգը— բերէք վճարէք, էլ-նենք երթանք թէև քնելու համար վատ տեղ չէ այստեղ: Եւ նորէն պառկեց:

— Իսկ մեր սպանաւճները, թալանաւճները, բանդարկաւճները...



— Իլուխ էք ցաւացնում, գոչեց բէգը պառկած տեղից — հեռացէ՛ք, կորէ՛ք և թողէք փոքր ինչ քնեմ...

Գրազիրը և հարկահանը դուրս եկան վրանից, մօտեցան վտակին, կուցով փոքր ինչ ջուր խմեցին և աջտեղ իսկ մէջքի վերայ փուլեցին գետին:

Քիչ յետոյ թէ՛ բէգը, թէ՛ գրազիրը, թէ՛ հարկահանը և թէ՛ զինւորները՝ բոլորն էլ քնել էին. արևը արդէն շատ տաքացել էր. շներն իսկ վրանների հովանու տակ պառկած մրափում էին:

**Ը.**

**Հ Ա Յ Բ Ո Շ Ա Ն Ե Ր**

Թիւրքա-Հայաստանի ժողովրդեան մի մասը, շուրջ 50.000 ժողովուրդ կազմում են գնչուները, որոնք կոչւում են չինգէնէ, մ թ Ր Ր Ը և կամ բոշա անուներով. շատ անգամ միայն «մաղագործներ»: Այդ ժողովուրդը ցրւած է ամեն կողմ, սկսած Կ. Պօլսոյ շրջակայքից մինչև Եդիրնէ և Մակեդոնիա, մինչև Ամասիա, Մարզուան, Եզդիկիա, Կարին, Փորթում և այլ գաւառները: Մեծամասնութիւնը նոցանից տեղ են բռնել Ամասիայի Վէզիր-Քէօփրից մինչև Քասթամունիի զիւղերը, կենտրոն ունենալով Բօյբազ աւանը. այդտեղ միայն նոքա 7000 են և բոլորն էլ լուսաւորչական քրիստոնէաներ են — հայ բոշաներ: Փոքրամասնութեամբ հայ բոշա-

ները բռնել են Երզրումի բոշա-մահալլէ թաղը և Փորթումի դաշտերը:

Հայ բոշաները նման չեն Վանի, Կ. Պօլսի և Եդիրնէի շրջակայքերում վրանաբնակ և թափառական մահմեդական մթրքներին, որոնք նշանաւոր են իրանց կեղտոտութեամբ և գողութեամբ և որոնք արհեստներով կազմում են մի քանի որոշ ցեղեր:

Այդ մահմեդական գնչուներից շատ սակաւները ունին խաշն և հող, զբաղւում են նոքա իրանց միջավայրում գտնւող ամենայնաին արհեստներով, շինում են խոզանակ, մաղ և իրանց շինածները ուսերնին առած պտտում են զիւղեր և քաղաքներ:

Հենց դոցանից է, որ բոլոր գնչուները առ հասարակ ծանաչւում են իբր թափառական մուրացիկ մի ժողովուրդ և դորա համար է, որ չը կարողանալով այդ զանազան ցեղերը միմեանցից որոշել, բոլորին էլ անխտիր կոչում են մաղագործ, մ թ Ր Ր Ը, չինգէնէ կամ բոշա...

Բայց մ թ Ր Ր Ը զանազանուում է բոշայից: Բոշան քրիստոնէայ է, իսկ մթրքբը անխտիր կերպով դաւանում է իւր միջկիւլքի կրօնը, որ մեծ մասամբ մահմեդականութիւնն է լինում:

Մաղագործները առ հասարակ մթրքբներ են, որոնք ամառը լեւների վերայ վրաններում, իսկ ձմեռը գետնափոր խրճիթներում են բնակւում, գործում են մաղ, խոզանակ, աւել, փսիաթ և շատ անգամ էլ տեղ տեղ մագեղէն տուրակներ, կար-



պետներ և այլն... Իրանց այդ բերքերով նոքա կազմում են առանձին ցեղ:

Մահմեդական գնչուների երկրորդ տեսակն են մուրացկան գնչուները, որոնք բոբիկ ոտներով, կտրտած հագուստով և, մի մի տուրակ կողքից քաշ արած, անդադար քաղաքից քաղաք են գնում, մուրում են, Ֆալ են բաց անում, գուշակութիւններ անում, բակլա գցում և զանազան այլ և այլ միջոցներով ապրուստ են ձարում:

Երրորդ տեսակն է երգող և պարող մթրըբներ:

Ոչ մի ազգ կամ ցեղ ճաճկաստանում այնչափ անբարոյական չէ, որքան գնչուների այդ տեսակը, որը հնարում է ամենալկտի երգեր, իւրաքանչիւր 40 փարայ տողին է յանձնում իւր կինը և աղջիկը, իւր որդուն կամ եղբորը փոքրութիւնից սովրեցնում է պարել, հագցնում է կնոջ հագուստ և իւրաքանչիւր էֆէնդիի կրքերին է յանձնում մի քանի կոպէկի համար... պէտք է տեսնել թէ ինչպէս հայրը մի թմբուկ ձեռքին, իւր որդուն առջևն առած, նորա մազերը երկար թողած, ունքերը ներկած՝ գնում է պարելու տաճիկների մօտ... պէտք է տեսնել թէ ինչպէս կանայք, խումբ առ խումբ, հագած սեթիւեթ հագուստներ, ման են գալիս Վ. Պոլսոյ փողոցներում, կանգնում են զուների առջև, սկսում են պարել և երգել... պէտք է տեսնել թէ ինչպէս երիտասարդները քաղաքից զուրս բանակած գնչուների վրաններն են լեցում և, ամուսնոյն մի քանի կոպէկ

վճարելով, ամենայն հեշտութեամբ կարողանում են զւարճանալ... դա մի այնպիսի սովորական բան է, որ դիտողութիւն անողի վերայ կը ծիծաղեն...

Փաշաների, բէգերի և այլն բախկասները, թիւչսիււզները և այլն այդ ցեղից են... Երգողներն էլ այդ ցեղից են, լկտի երգերի հեղինակներն ևս այդ ցեղից են...

Մահմեդական գնչուների ցեղերն են կազմում նաև որսորդ մթրըբները, որոնք աղւէսի մորթեր են բերում քաղաք և վաճառում... այդ ցեղերից են նաև երբեմն աւազակներ, որոնք ճանապարհների վերայ անցորդների են կողպտում, եթէ ոչ ունեն և լքում են ոտներ ու մի կտոր հաց ուզում, եթէ թոյլ են...

Հայերը, թիւրքերը և բոլոր միւս ազգերը սաստիկ ատում են այդ ցեղերին, իրանց մանուկներին վախեցնում են բոշալի անունով, հայհոյանքի տեղ են ընդունում մթրըբ և բոշա բառերը. ճչացողին, որկրամոլին, ագահին և գողին «մթրըբ» ածականով են նախատում... Այդ ցեղը լիովին արհամարհւած մի ցեղ է, լինի՛ նա հայ, լինի թիւրք, պարիաների պէս զրկւած են ամեն իրաւունքներից, սակայն վճարում են հարկ թէ՛ ունեցածների և թէ՛ չունեցածների համար և կան բազմաթիւ հարկերի կապալաւուններ, որոնք զերադաս են համարում գնչուների այդ խեղճ, սարուկ ցեղերի հետ գործ ունենալը...

Հայ բոշաները բոլորովին տարբերում են վե-



բոյնիշեալ բոլոր ցեղերից թէ կրօնքով, թէ սովորութիւններով: Հայ բոշաների կրօնը քրիստոնէութիւն է. շատ ջերմեռանդ են և «մուխսի» լինելու անգամ գնում են, միայն թէ հայերի հետ շատ քիչ յարաբերութիւն ունին, իսկ խնամութիւն ոչ, սոքա էլ հայերի պարիաներն են, սոցա միջից եկեղեցական չեն անում և նոյն իսկ միմեանց եկեղեցի դժւարութեամբ են մտնում: Հայ բոշաների մեծ մասը Ամասիայի շրջակայքումն է, այնտեղ նոքա ունին հող, տուն և տաւար. այնտեղ, որպէս և Երզրումի մէջ՝ նոքա հաստատարնակ են, իսկ Թորթումի մէջ կան ցեղեր, որոնք հող չունին և անդադար թափառում են այս այն կողմ, սակայն մուրացկանութիւն չեն անում. նոքա զբաղում են խաշնարածութեամբ և ձմեռը իրանց երաժշտական գործիքներով քաղաք և գիւղերն են իջնում հարսանիքներում նւազելու, ուր և երգում են իրանց երգերը, որոնք երբեմն շատ ծիծաղաշարժ, երբեմն լուրջ-խորամիտ և երբեմն մեղկ և տխուր են...

Նոքա սիրում են իրանց զեղեցիկ հեքիաթների մէջ զովել իրանց ազգի առասպելական կամ իրական դիւցազններին, արևելեան բանաստեղծութեամբ պատմում են Նոմ-Հասանի, Աբդիւլ-աղայի, Խաթ-Սաբայի և այլ հերոսների կեանքը... խօսում են մի առանձին լեզուով, որը փոքր ինչ նմանութիւն ունի հայերէնին, իսկ Երզրումում բնակւողները, արդէն լիովին մոռացած իրանց լեզուն, մի առանձին շեշտով

հայերէն են խօսում և սակաւ առ սակաւ սկսել են հայերի հետ խնամութիւն իսկ անել. վերացել է սկսում այն խորթութիւնը, որը տիրում էր դոցա և հայերի մէջ... այժմ հայ բոշաներից քիչերն են մնացել, որոնք հողի տէր չեն և որոնք ստիպւած առ այժմ թափառում են ամբողջ Թիւրքա-Հայաստանում...

Թ.

Օ Դ Ի Շ Ո Ի

Հէնց այդպիսի հող չ'ունեցող հայ բոշաների մի ցեղ էր Խաթ-Սաբայի խումբը, որը վրաններ էր խփել Զիւլինի դիւզի վերայ:

Խաթ-Սաբայի վրանից սկսած, որը իւր կողմուել էր կիրճի մօտիկ մի բլրակի, վրանները փռւում էին մինչև դահաւանդը և այն տեղից ևս մինչև կրճի բերանը, ուր զտնվում էր Մնօյից Վարդիկի մագեղէն կտորներից կազմւած մեծ վրանը:

Դա մի եղեգնեայ միջորմով բաժանւած մեծ տեղ էր մէջ տեղում՝ վրանին վեղարի ձև էր տալիս մի հաստ սիւն, իսկ փոքրիկ սիւները իբր յնարան էին ծառայում և սև շորի միւս ծայրերը ամրացած էին մի փոքրիկ առուակի մէջ, որը փորւած էր վրանի շուրջը. նոցա մէջ էր հանգչում եղեգնեայ այդ ցանկը:

Վրանում այդ միջոցին կային միայն կարաններ, մի քանի հին կարպեաներ, մի ձոճ կապած սիւնից



սիւն՝ որի մէջ պարկած աղաղակում էր մի թխագոյն մանուկ, կատուն ցատկում էր միջնորմի վրայով, իսկ մի կին կանգնած սիւնի մօտ նայում էր դէպի Խաթ-Սաբայի վրանը, ուր իջել քնում էր Հասան Ալալայի բէգը:

Հագիւ թէ հարկահանը և գրագիրը փուել, առւակի եզերքը քնում էին, որ վրանի միջնորմի ետևից դուրս եկաւ մի աղջիկ և մօտենալով կնոջ՝ հարցրեց.

— Քնեցի՞ն բոլորը:

— Քնեցին, պատասխանեց կինը:

— Իսկ մերո՞նք... ասաց նա և նայեց բոշաներին, որոնք հեռացել ժողովւել էին մի վրանի մօտ և ցած ձայնով վիճում էին:

— Այ, ասաց կինը աղջկան — այժմ քնեցին, կը զարթնեն և ինչ որ ունինք-չունինք կը հաւաքեն, այն ժամանակ նոր թող գայ մայրդ և ուզածին չափ գողգողայ...

— Մա՞յրս ինչ անի, ծիծաղեց աղջիկը — նա գիտէ՞ր, որ Հասան-Ալալայի բէգը մեզ մօտ է գալու.

— Է՞հ, Օղի՛շու, գիտնար է՛լ ոչինչ չէր կարող անել.

Կինը Վարտիկի կինն էր, նիհար և հասակաւոր. ժամանակին գեղեցիկ էր եղել, բայց այժմ նա նամանում էր մի թառամած ծաղկի. տխուր-մելամաղձոտ հայեացք, թույլ շարժւածք, քնէած աչքեր և խոր ընկած թշեր. իսկ Օղի՛շուն, դա Խաթ-Սաբայի թոռն

էր, մի սիրուն հմայիչ աղջիկ պարթև հասակով, աշխոյժ մեծ աչքերով և թուխ դէմքով. բերանը փոքր ինչ մեծ էր, բայց չէր տգեղացնում դէմքը. վերին շրթունքի վերայ կարծես սկսել էր ընչացք բուսնել, որովհետև աղեղնաձև մի աղւամաղ ծածկել էր քթի տակը. փոքր ինչ ծուռ քիթ և փոքրիկ, բերանի առջևի ատամները քիչ դուրս ցցւած, և այդ պատճառով, երբ նա ժպտում էր, այնչափ քաղցր, այնչափ զրաւիչ արտայայտութիւն ունէր այդ ժպիտը, որ ոչ ոք չէր կարող անտարբերութեամբ դիտել: Լոմէրը մինչև իսկ դիտել էին Օղի՛շուի այդ ժպիտը. դա գրաւել էր նոցա բանաստեղծին և նա, երբ լոմէրի դէս տէնը <sup>1)</sup> երգում էր, չէր մոռանում վերջումը երգելու սոյն տողերը.

Նորա ժպտի մէջ — երբոր ժպտում է —  
Փայլում է բարին. կարծես մի բույս  
Չար ոչինչ չը կայ աշխարհիս վերայ,  
Եւ երկինք մի պարզ նորա մէջ ցոլայ...

Վերջապէս Օղի՛շուն իւր ամբողջութեամբ մի այնպիսի վայրենի գրաւիչ, զօրեղ գեղեցկութիւն էր կազմում, որ չունէր իւր-մէջ ոչինչ մեղի, թույլ, հարեմական նշան և որից շատ քիչ սակայն կարելի է գտնել միմիայն լեռնաբնակ քիւրդերի և հայ բոշաների մէջ: Այդ գեղեցկութիւնը պատկառանք իսկ ազգում է, մարդ կարծում է թէ անհնար է ունենալ

1) Գովասանական երգ:



նորան, բայց երբ մի անգամ ունեցար, անհնար է դիպչել նորան:

Օղիշուն այդպէս աղջիկ էր. նրանից վախենում էին բոշաները, որովհետեւ նա քաջ էր. քաջ ցուպ խաղացնող և գօտեմարտ, նորա մեծ թուխ մասներով քնքոջ ձեռքերի ապտակները տապալեցնել էլ կարող էին:

— Լսի՛ր, ասաց Օղիշուն Վարտիկի կնոջ—մեծ մայրս եթէ այտուղ լինէր, այդ ցանցառ լոմերը այդպէս չէին ժողովել միայն խօսելու համար. նա կը հաւաքէր նոցա, կը տար նոցա ձեռքը մի մի ցուպ, կը կոտորէր այդ քնած զինւորներին և Հասան Վալայի բէգին այդ զահաւանդից ցած կ'ուղարկէր դէպի դաշար... Իմ մեծ մօրիցս վախենում են բոլորը որովհետեւ նա քաջ է...

— Տե՛ս, տե՛ս, ասաց Վարտիկի կինը—Հասանը և մարդս գալիս են:

— Եւ ի՛նչ խեղճ դէմքով, աւելացրեց Օղիշուն, կարծես լաց են լինում... է՛, Հասա՛ն, Հասա՛ն, կարծես Խաթ-Սաբայի, Լոմ՝ Հասանի որդին չես...

Վրանը մտան երկու բոշաներ:

— Հէնց այդ է, գոչում էր Հասանը Վարդիկին, կարծում ես թէ մեր ունեցածները առնելով դո՞հ կը լինին... կը տեսնես, կը գան վրանդ էլ կը քանդոտեն, մէջքիդ մի լաւ հարւած էլ կը տան, կինդ էլ... հը՛մ... հրեց նա Վարդիկի կնոջ և Օղիշունին նայելով—չէ՛, հրացանս պիտի լեցնեմ... ես Օղիշունին սաղ սաղ չեմ տայ նոցա ձեռքը...

— Ո՞վ, գոչեց Օղիշուն-ե՛ս... անհոգ կա՛ց, դուք ձեր մասին մտածէք, Լոմ-Հասանի թոռը, լինի նա աղջիկ՝ կարող է իրան պաշտպանել...

— Լա՛ւ, լա՛ւ, ասաց Հասանը—այտուղ էլ բոշաներ չեն, տես նո՞ւմ ես այն հրացանները, բոլորն էլ լիքն են:

— Գիտեմ, ժպտաց Օղիշուն-բայց հեշտ չէ նոցա Օղիշունին սաղ սաղ ձեռք զցել:

— Բէզը անպատճառ մի օջին կը հանի թէ որ քեզ տեսնէ, ասաց մռայլ դէմքով Վարտիկը և նստեց գետնի վերայ, սիւնի մօտ. Հասանը և ստեղաւորեց նորա կողքին:

— Հը՛մ, ասաց Հասանը—մերոնք բոլորն էլ յուսահատուել են... և այսպիսի միջոցին էլ մայրս թողել էր դրում է գնացել:

— Մայրս ի՞նչ անի, գոչեց Օղիշուն—նա խօ չը գիտէր որ բէզը պիտի գայ... դէ՛, դո՛ւ էլ Լոմ-Հասանի որդին ես... վեր կա՛ց, բոլորին հաւաքիր և կոտորեցէք այդ բարբարոսներին, չէ՞ որ դոքա զարթնելու են և երբ զարթնեն՝ անելու են ինչ որ մտածեն... խօ լաւ բան չե՛ն մտածիլ...

— Ստում ես, ասաց Հասանը—մենք խօ բացի փայտից ոչինչ չունինք, իսկ նոցա... տեսնում ե՞ս...

— Տեսնում եմ... եթէ չէք կարող ուրեմն փախէք քանի նոքա քնած են... էն որ ձեր բոլոր ունեցածները առնելու են... գոնէ փախնենք, որ ձեր կանանց չ'անպատուեն...



— Հը՛մ, արաւ Վարդիկը-վատ միտք չէ այդ...  
կիրճի մէջ մաննէք աւ անցնէք դաշտը... քնած են:

— Է՛հ, ինչի՛ր ես ասում... բոլորն էլ ձիաւոր  
են, կընկնին ետեւներիցս ու վայ աչն ժամանակ...

Այդ միջոցին զինւորներէց մէկը արթնցաւ,  
յետոյ միւսը և 5 ըստէից յետոյ բոլորն էլ կռացած  
առուակի վերայ լացել սկսեցին, յետոյ սկսեցին  
ծխել և կամաց կամաց մանել վրանները:

Քիչ յետոյ հարկահանը և զբազիրն էլ զարթ-  
նեցին, մտան բէգի մօտ, բէգը վեր թռաւ, ջորանջեց,  
յետոյ դառնալով հարկահանին՝ ասաց:

— Վերջացրի՞ք...

— Դեռ չենք էլ սկսել:

— Դէ՛հ, շուտ արեք, շուտով կը մթնանայ...

Եւ ահա բոլորը ոտքի ելան և խառնւեցան մի-  
միանց. զինւորները, բէգի և հարկահանի հրամանով,  
վրանները մտան ու սկսեցին քանդըռտել և տակն ու  
վրայ անել ամեն ինչ, մի քանի զինւորներ էլ լիովին  
մերկացնում էին մի վրանի առջև խմբւած տղամարդ-  
կանց, այլք կանանց հագուստների մէջ էին սպրտեց-  
նում իրանց կեղտոտ ձեռները և գարշելի ժպիտով  
ժպտում էին նոցա արձակած ճիւղերի վերայ... հար-  
կահանը հրամաններ էր արձակում, մանուկ բոջանները  
ճշալ սկսեցին, կանայք փախչում էին այս-այն կողմ  
և Խաթ-Սաբայի վրանի մօտ կանգնած բէգը, դիտելով  
այդ բոլորը՝ փորը բռնած ծիծաղում էր:

Հարկահանը հրամայեց դատարկել վրանները,

նորա ոտքերի մօտ սկսեցին զլորել զանազան մեծու-  
թեամբ կաթսաներ, կարպետներ, բարձեր, նորա  
ձեռքն էին բերում լեցնում կանանց կամ աղջիկների  
վզից պոկած կեղծ ոսկիները. ապակեայ մանեակներ,  
զլխի թաշկինակներ և կօշիկներ...

Այդ բոլորից հարկահանը մտադիր էր կազմել  
գրագրի հաշւած 2.600 ղուրուշ հարկը:

Մեծ, աղմուկ, լաց, ճիչ պատել էր Զիւլինի  
դիւզը...

Ամեն ինչ լուեց, որովհետև լուեց մի կատաղի  
ձայն և նորան յետևեց մի սուր ճիչ...

Քիչ յետոյ տեսնւեց Օղիշուն, որը հերարձակ  
իւր ցուպով զլորում էր իրան մօտեցող զիւորներին,  
ջախջախում էր թուեր, զլուխներ և հետզհետէ  
ընկրկում էր դէպի կիրճը... մի զինւոր արդէն բռնել  
էր նորա ցուպը, միւսները ոռնում և հայհոյում էին  
և Օղիշուն այնպէս ճչում էր, որ բէգը զարմացած  
գոչեց:

— Աղջի՞կ է այդ...

Խլեցին Օղիշու ձեռքից ցուպը, յետոյ բռնեցին  
նորան և երբ նա ճչում էր.

— Լռի՛ր, ասաց մօտեցող հարկահանը— քեզ  
բէգին պիտի տանենք...

Օղիշուն լուեց, թոթափեց իրան, ազատւեց զին-  
ւորների ձեռքից, մի բռունցքի հարւածով զլորեց  
հարկահանին և մտաւ կիրճը...

Զինւորները խմբովին հետևեցին նորան և



մինչդեռ բէգին իմաց էին տալիս, որ այդ աղջիկը մի հրաշալի գեղեցկութիւն ունի և բէգը հրամայում էր միւս զինւորներին ևս վազել աղջկայ ետեւից, Օղիշուն եղնիկի արագութեամբ վազեց դէպի խորը, մազլցեց մի ժայռի վերայ և երբ ետ էր նայում, ապշած կանգ առաւ, որովհետև մի երիտասարդ մարդ յանկարծ դուրս թռաւ ժայռի ետեւից, դաշոյնի մի հարւածով փռեց առաջին զինւորին, երկրորդ եկողի գլուխը ջախջախեց հրացանի կոթով և գոռաց միւսներին՝

— Ետ կորէ՛ք, թէ չէ բոլորիդ էլ կը փռեմ... բէգը սկսեց անհամբեր լինել, յանկարծ լաւեցան հրացանի ձայներ, յետոյ աղաղակներ և կիրճը մոնող զինւորները խուճապով Զիւլիսի դիւզը լեցւեցան...

Եւ երբ բէգը ինքը մոնում էր կիրճը, զարմանօք տեսաւ թէ ինչպէս մի ձիաւոր, գաւազն առած Օղիշուն՝ սրարշաւ իջնում էր դաշտը...

Սրդէն ուշ էր, այլ ևս նորա ետեւից հասնել անկարելի էր: Կիրճում փռւած էին չորս զիւսկներ, որոնք եկան միացան Օղիշուի ջախջախած երկու մեռած և երկու վիրաւորւած զինւորների հետ:

**Ժ.**

**Կ Ա Ն Յ Ի Ա Լ Է Ք**

Օղիշուն ժայռի գլխին կանգնած տեսաւ երիտասարդին և երբ զինւորները ընկրկում էին, նա մի

ուրախ շարժում գործեց, ցած սահեց ժայռից և վազելով դէպի երիտասարդը՝

— Ալէ՛ք... ասաց—դ՞՞ ո՞ւ աչտեղ...

— Այո՛, ժպտաց սիրազին երիտասարդը—բայց ամենից առաջ ձի նստիր, եթէ չես կամենում զոցա ձեռքը ընկնել...

Յետոյ, առանց սպասելու պատասխանի, թռաւ ձիու վերայ, առաւ գաւազին Օղիշունին և մտրակելով ձիուն, սրարշաւ դէպի դաշտն սկսեց իջնել:

Օղիշուն պինդ գրկեց Ալէքի մէջքը, երեսը նորա ուսին դրեց և ասաց.

— Քշի՛ր, Ալէ՛ք... երկրորդ անգամն է որ լուսինն լաւութիւն ես անում...

— Խօ չե՞ս յոգնել, հարցրեց Ալէքը:

— Ո՛չ, միայն ծնկներս սկսեցին ցաւել:

— Այդ նրանից է, որ թամբ չը կայ ձիու վերայ այնչափ շտապով եկայ, որ թամբը չը կարողացայ զրացիից վերցնել...

— Խնչո՞ւ էիր այդչափ շտապում:

— Եստ պարզ է... քաղաքում մօրդ տեսայ, տեղդ իմացայ, մի ամբողջ ամիս էր, որ Թորթում էլ տեղ չը թողեցի ման եկայ. մէկը ասում էր դէպի Խնուս էք գնացել, մէկն էլ թէ Հասան Ղալայի մէջն էք...

— Մօրս տեսա՛ր ուրեմն.

— Տեսայ, Գրիգոր աղայի մօտ էր գնում. իսկ



դու պատմիր ինձ թէ Հասան զալաչի բեգը ի՞նչ գործ ունէր ձեզ հետ:

—Հարկ էիր պահանջում և 2.600 զուրուշ հարկ:

—Հը՛մ... հարկ էր պահանջում, ի հարկէ կը պահանջի, էլ Ձանդաղում մարդ չեն թողել, որ չը ծեծէին ու չը բանտարկէին, հիմա էլ ձերոնց կը բռնեն բոլորին ու Ձանդաղ կը տանեն, մանաւանդ որ սպանութիւն էլ եղաւ, կը կարծեն թէ անողը բոշա էր:

—Ա՛խ, գոչեց Օղիշուն—այդ ի՞նչ վատ բան եղաւ... ի զուր սպանեցիր:

—Թողնէի որ քեզ բեգի հարե՛մը տանէին, ո՛չ, եթէ դու չը կարողանայիր փախչել, լսո՛ւմ ես, Օղիշուն, եթէ չը կարողանայիր, ես արդէն հրացանը լարել էի, քեզ պիտի սպանէի...

—Ալէ՛ք... գոչեց աղջիկը:

—Այո՛, շարունակեց Ալէքը—ինձ համար աւելի լաւ էր քո դիակը տեսնել, քան լսել, որ բեգի հարեմի մէջ գտնուող հայ կանանց մէջ դու էլ կաս... ա՛խ, չը գիտես, Օղիշո՛ւ, թէ այդ Հասան բեգը որչա՛փ անգութ, որչա՛փ զազան մարդ է... այժմ էլ տեսնո՛ւմ ես, սաղ բոշաներին փշացրեց:

—Եւ դեռ մէկն էլ չ'եղաւ որ նորան փշացնէր:

—Է՛հ, այդպիսի մի սպանութիւն քիչ օգուտ է տալիս... փաշան բացի այն, որ վրէժը լսեղծ ժողովրդից կը հանի, այլ և մի ուրիշ աւելի բարբարոսին

կը գնի սորա տեղը, որը կը գայ և հազար ու մէկ պատճառներով ժողովրդի շորերն անգամ վրաներիցը կը հանի:

Տիրեց փոքր ինչ լուսթիւն, մութը սկսում էր պատել և մի թանձր մշուշ գալիս ծածկում էր բլրակների կատարները:

—Ձե՞ս մրտում, հարցրեց նորէն Ալէքը:

—Ո՛չ, ես սովորել եմ դիմանալ:

—Գիտեմ որ քաջ և դիմացկուն աղջիկ ես, բայց զուցէ այս գիշեր ուշ հասնենք դիւղը:

—Հոգ չէ, իսկ դու չե՛ս մրտում:

—Ե՛ս, ծիծաղեց Ալէքը—ցուրտը ինձ հետ գործ չունի, ես ամառ ձմեռ մէկ այս հազուստն եմ հագնում... չե՛ս չիշում ինչպէս երբ Թորթումն էիք և ես նոր էի տեսել քեզ, գալիս ձեր վրաններից հեռու բաց օդում գիշերում էի...

—Յիշում եմ, որ ես էլ կարպետ էի բերում տակըդ փռելու համար:

—Քարի աղջիկ ես, Օղիշուն, և ես քեզ դորա համար էլ սիրում եմ... չիշո՛ւմ ես, թէ ինչպէս մի անգամ մայրդ քիչ մնաց փայտովը դուխս ջարդէր:

—Յիշում եմ, որ յետոյ, երբ հօրեղբօրս քաղաքի դռնապան զինւորների ձեռքից ազատեցիր, մայրս ճակատդ համբուրեց:

—Հա՛, այժմ մօրդ հետ բարեկամ ենք... էլ այնուհետև չե՛ր խրանում, երբ ձեր վրաններում երևում էի:



— Կարծեմ գիտէ իսկ մեր գաղտնիքը:  
 — Գի՞տէ, գոչեց Ալէքը — ի՞նքը ասաց:  
 — Չէ՛, բայց միշտ երբ անունդ տալիս է, երեսիս է նայում և ծիծաղում է:

— Իսկ դո՞ւ:  
 — Ե՞ս, գիտես որ կարմրել չը գիտեմ... այժմ ա՞ւր ենք գնում մենք:

— Այստեղ մի ծանօթ զիւղ կայ. բարեկամ ունիմ այնտեղ:

— Գիտե՞ս, Ալէ՛ք, խօսեց աղջիկը — լաւ չէ՞ր լինիլ, որ ինձ Երզրում — մեծ հօրեղբօրս տունը տանէիր:

— Իսկ մեր տունը — Կան չե՞ս գալ:

— Չեր տո՞ւն, ծիծաղեց աղջիկը — դեռ ժամանակը չէ, երբ մեծ մայրս մեզ կ'օրհնի և քո մայրդ էլ խորթ չի նայիլ բոշաների վերայ՝ այն ժամանակ:

— Այսինքն երբ մեզ պսակե՞ն...

Օղիշուն՝ դէմքը ամուր սեղմեց Ալէքի մէջքի վերայ. սա դարձաւ, նոցա դէմքերը միմեանց մօտեցան և առաջին անգամն էր, որ բնութեան այդ զաւակները ազատօրէն կարողացան համբուրել միմեանց... Ալէքը խլեց նորան իւր գաւակի վրայից, երեսայի նման առաւ իւր ձեռքերի վերայ, դէմքը իջեցրեց դէպի նորա կուրծքը և Օղիշուի երկար մազերը եկան ծածկելու նոցա միացած շրթունքները...

Կէս ժամից յետոյ Ալէքը իջաւ ձիուց, գիւղի

մի խրճիթի մօտ կանգ առաւ, ծեծեց դուռը և ներս մտաւ:

Իւր ծանօթ քիւրէի տունն էր այդ, ուր նորան ընդունեցին:

Ալէքը Օղիշուին յանձնեց տանտիկնոջ, կերաւ հացը, առաւ հրացանը և ձի հեծաւ.

— Երզրում պիտի երթալ, ասաց նա — պիտի երթալ ծնողներիս հանգստացնել:

— Մեծ մօրս էլ կը տեսնե՞ս, հարցրեց Օղիշուն:

— Անպատճառ չ'նորա հետ գործ ունիմ... պիտի մի անգամ վերջ տալ այս խայտառակութիւններին...

Եւ համբուրելով Օղիշուին՝ աւելացրեց:

— Անհոգ կաց...

Եւ մտրակելով ձին անյետացաւ մթութեան մէջ: Կանցի Ալէքը պղնձագործ էր և Երզրումից կէս ժամ դէպի հիւսիս գտնուող Կան գիւղացի: Նա գեղեցիկ չէր, սակայն առողջակազմ, առնական դէմքով և յայտնի Երզրումցի արհեստաւոր:

Նորան բոլորը ճանաչում էին:

### ԺԱ.

«Ն Ա Հ Լ Ա Ի»

Այսպէս ուրեմն, բոշաների խումբը հազիւ թէ իջեանում էր Զիւինի դիւզում, որ հեզհետե ոչնչաւում էր. մի բանի օրուայ մէջ նա կորցրեց իւր նախիրը, երկու տղամարդ, բանդարկեցին շատերը:



Խաթ-Սաբան էրգրում գնաց և բէգը հարկահանի հետ բացի բոշաներին բոլորովին մերկացնելուց, բռնեցին նոցանից շատերին, ծեծեցին միւսներին և աւարով իջան դէպի Զանգազ, մինչդեռ միայն Սղիշուն այդ բոլորից կարողացաւ ազատուել:

Զանգազում բէգը կատաղած հրամայեց իւր մօտ կանչել գիւղի խամփաներին և երբ նոքա եկել վրանից հեռու չոգել և դողդողալով սպասում էին, բէգը աչքերը ոլորեց և գոռաց՝

— Երբեք եմ որ դեռ գիշերւաց լուսինը չը տեսած, բոլորիդ սաստիկ կը պատժեմ, եթէ չը բերէք ինձ այն մարդուն, որը իմ զինւորներիս նահատակեց և ձեռքիցս տարաւ իմ անձիս հարեմին զարդ լինող մի աղջիկ... սպանողը ձեզնից էր, որ էլ խայտառակութիւն ու լրբութիւն չը մնաց արիք, գնացէ՛ք, ձեզ երկու ժամ ժամանակ եմ տալիս, որ անիրաւ մարդասպանին ինձ բերէք ձեռքերը ու ոտները կապած... իսկ առ այժմ շուտով զօրքերիս կերակուր տւէք և բանդարկածներին էլ հրաման եմ տալիս որ ուտելու բան տաք, հացդէ՛, կորէք...

Եւ գոհ իւր խօսքերից, շփեց մորուքը, դարձաւ իւր կողքին նստած հարկահանին ու ժպտալով հարցրեց:

- Ել բան մնաց ասելու...
- Ձերդ մեծութիւնը խօսեց բոլորը - ասաց հարկահանը - միայն թէ մոռացաւ ասելու, որ պէտք է մեր ձիերին էլ գարի տան...

— Լսեցի՞ք, գեաւուրներ...

Սամփաները ոտքի ելան, խորը գլուխ տւին և հեռացան դէպի Զիւլինի լեռները բարձրացող լայն ճանապարհի մօտ:

Զանգազ գիւղը շինւած է Բասէնի ուղղակի այն ծայրին, որտեղից ճանապարհը սկսում է բարձրանալ դէպի Զիւլինը. մի փոքրիկ գետակ գալիս կտրում է գիւղի առջևը և անցնում խառնւում է Հասան Ղալայի գետակին:

Գիւղի խրճիթները ճանապարհի մօտից միմեանց կպած սփռուում են լնրան կուրծքի վերայ և այդ խրճիթներից ամենասիրունը, մեր պատմութեան ժամանակ, քէհեայի խրճիթն էր: Քէհեան ինքը մի քառանկան էր, ունէր 100-ի մօտ տաւար և գիւղի խամփաներից մէկն էր. Զանգազը այդ ժամանակ ունէր չորս խամփաներ, որոնց գիւղացիք չէին սիրում, որովհետև նոքա էլ Հասան Ղալայի բէգերից պակաս անգութներ չէին:

Բայց երբ խամփաներին, ՚ի թիւս որոց և քէհեային, բէգը կանչեց և մի քանիսները լսեցին բէգի սպանալից խօսքերը, գիւղացիք լեցւեցան քէհայի սուռը և սպասում էին տեսնելու թէ խամփաները ինչ պիտի անեն:

Քէհեան գիւղացւոց հրամայեց շատ չը խոնարհու իւր խրճիթի մէջ, տեղ ցոյց տւաւ ընկերակիցներին, լցրեց չիբուխը և պահ մի բոլորն էլ ծխեց սկսեցին:



—Է՛հ, Խաչօ քէհի՛ա, ասաց վերջապէս խամփաներից մէկը—մեր էջէլը <sup>1)</sup> եկել է, ժամանակ շատ չ'ունինք, կանչենք Տէր Եղիշէին, խոստովանենք և հաղորդենք...

—՛Ի հարկէ, վերաց տւաւ երկրորդը—մեզ կը խորովեն, որովհետև ո՛վ գիտէ, ինչ տեսակ մի չափողըն <sup>2)</sup> սպանել է այդ անօրէնի զինւորներին... էլ չի մտածում թէ զանգաղցիք ի՞նչ գործ ունէին Զիւնի դիւզի վերայ... այսպէս է... Կարօն կը սպանի, Վարդանը կը տուժի...

—Սղանե՛ր, խօսեց քէհեան բերնից մի թանձր ծուխ արձակելով—մեզ մէկ ճար է մնում, կամ թողնել փախչել և կամ մեզնից մէկին զոհ տալ՝ միւս՝ ներին ազատելու համար: Տղէ՛րք, դարձաւ նա զիւղացւոց, եկէ՛ք, Աստուածը մի՛ ուրացէք, եթէ ձեր մէջն է բէգի զինւորներին սպանողը, բռնէք բերէք մեզ, անմեղ ձեր իշխանների արիւնը մի մտնէք...

—Ինչե՛ր ես խօսում, քէհեա՛, գոչեց մի զիւղացի,—դու լաւ գիտես որ մեզնից չէ եղել սպանողը, չը լինի՞ ուզում ես որ մեզնից մէկին զոհ տանք ձեր կաշիի համար:

—ձիշտ է ասում Գաբօն, ասաց մի ծերունի խամփա,—մենք լաւ գիտենք որ սպանողը Զանգաղից չէ. մենք էլ ծեր մարդիկ ենք ի՞նչ օրէնքով մի ջահիլ

<sup>1)</sup> Օրհաս:

<sup>2)</sup> Սրիկաց, անառակ:

գոյ մեզ համար զոհւի... վեր կացէք, տերտերին կանչէք խոստովանենք, հալբէթ Աստուած մեր մեղքերի համար այսպիսի մահով է մեզ մեռցնում... ճակատագիր... աղանե՛ր, ճակատագիր... մեր ճակատի վերայ գրած է եղել, որ խորոված ենք լինելու... ո՛վ կարող է ճակատի գրածը ջնջել:

—Ամենքն էլ քեզ նման խռիճ չեն... մամրուաց քէհեան յուսահատ, բայց որքան որ կամաց խօսեց, ծերունի խամփան կարողացաւ լսել:

—Իրաւունք ունի՛ս, ասաց նա—դու դեռ ջահել ես, փա՛ռք Աստուծոյ, քէօհլան ձիեր շատ ունիս, վեր կա՛ց, մէկի վերայ նստիր ու փախիր, թող մենք զոհւենք, մենք արդէն ծերացել ենք:

—Մ՛Ք կընես, գոչեց մի ուրիշ խամփա—ես սկի էլ չեմ ուզում խորովւել... ես էլ կը փախչեմ:

—Փախի՛ր, ասաց քէհեան—փախիր և կնիկդ ու աղջիկներդ թող խորովւեն քո փոխարէն...

Խամփան գլուխը ծռեց և չը պատասխանեց:

—Հը՛, ծիծաղեց քէհեան—ինչո՞ւ չես փախչում, վե՛ր կաց, իմ ձիերիս մէկն էլ քեզ փէշքէշ, իմ հրացանս էլ առ ու գնա՛... եթէ կարող ես, եթէ սիրտդ տանում է որ կնոջդ խորովեն, աղջիկներիդ էլ բէգը կամ զինւորները պղծեն, համեցէ՛ք... ոռսի հողը շատ հեռու չէ, մինչև առաւօտ այնտեղ կը հասնես և կ'ազատես... է՛հ, որ փախչել կարողանայինք, առաջինը ես կը լինէի...

—Ձէ՛, խօսեց չորրորդ խամփան—ձեզնից ոչ ոք



էլ չի կարող փախնել... ելէք գնանք խոստովանելու...

Յանկարծխրճիթի դուռը ուժգնութեամբ բացւեց և այնտեղից ներս մտաւ մի երիտասարդ:

Նա երկարահասակ, լիքը գեղեցիկ դէմքով, երկար մորուքով, սրածայր մեծ ընչացքով մէկն էր, սուրը գօտիից, մի երկար սուր ուսերից, հրացանը ձեռն, բէօլէրը կողքին, գլխին Փէս, ոտքերին երկար կօշիկ և աջ ձեռքում արծաթեայ կոթով մի մորակ, որով նա յուզմամբ ծեծում էր երկար կօշիկի պարանոցը: /

Նա մտաւ, դէմքը կնճռած բոլորին նայեց, մօտեցաւ քէհեային և խրոխտ ձայնով գոչեց՝

— Բարև, Խաչօ քէհեա՛...

Քէհեան ապշած նրան նայեց. բոլորն էլ զարմացած մնացել էին, որովհետև մի քանի տարի էր, որ չէին տեսել նոքա այդպէս զինւած մէկին:

— Վա՛հ, գոչեց քէհեան — դու հա՛յ ես, ո՞վ ես որ չեմ կարողանում ճանաչել:

— Հը, Գէորգին մոռացե՞լ ես, որ քեզ Համիդ աղայի ծեծից ազատեց Հառամիների գիւղի մէջ:

— Վա՛յ բարև, Գէորգ աղա՛, աչքներիս վերայ, գլխներիս վերայ եկար... համեցէք, համեցէ՛ք:

— Վա՛ւ, գոչեց Գէորգը — ես կը նստեմ, բայց այս տղաներից մէկին ասա, որ ձիուս տանեն ախոռը և առջևը գարի լցնեն...

Գիւղացիներից մէկը դուրս թռաւ խրճիթից:

— Է՛, ասաց Գէորգը նստելով և Մարթինի հրացանը ծնկների մէջ առնելով — այս ի՞նչ էք անում այստեղ, երևի պատրաստուում էք խոստովանելու... հայ էք ի հարկէ, հենց որ բարկացան ձեզ վերայ, խօղոն դուխներդ քաշում ու եկեղեցին էք վազում... տօ՛, դեռ ո՞ւր է ձեր խոստովանելու ժամը, ի՞նչ է, խօ չէք փթել — 100 տարեկան դարձել... այդ բէգը իւր քսան զինւորներով կարողացա՞ւ սաղ գիւղին վախեցնել... ամօ՛թ, ամօ՛թ, արժանի չէք ո՛չ մի բանի, ոչ մի գթութեան...

Եւ նա բորբոքած վեր թռաւ, հանեց բէօլէրը, ոտը քաշեց և զոռաց կատաղութեամբ:

— Ձեզ բէգը պիտի խորովի, ուրեմն աւելի լաւ չէ՞, որ մի քրիստոնէի ձեռքով սատկէք...

— Գէորգ աղա՛, գոչեցին վախեցած խամփաները վեր թռչելով. քեզի դուրբա՛ն, մեղքի մէջ մի մտնել, ընտանիքների որբ մի թողնիլ, խնայի՛ր...

Գէորգը ետ քաշեց բէօլէրը, մի քրքիջ արձակեց և ասաց ծիծաղելով:

— Տօ՛, ախմախների, ինչո՞ւ եմ մեղքի մէջ մտնելու, միւռնոն չէ՞, ահա՛, ես խղճացի, բայց բէ՞գն էլ քրիստոնեայ է, նա էլ կը խղճա՞յ...

— Է՛հ, է՛հ, ասաց ծերունի խամփան — Չահիլ-Չահիլ խօսում ես, չը գիտե՞ս որ բէգը կերթայ ու հարիւր զինւոր կը բերէ մեզ Չարդ ու փշուր կանի...

— Չա՛յնդ... խռփած մո՛ւկ, ինչո՞ւ չես փախչում մի ծակ մտնո՛ւմ, կորի՛ր, գնա սատկիր քեզ



համար, թող որ ուրիշները ապրին... մինչև որ բեզը  
 Հասան Ղալայ կարողանայ երթալ, ես նորա կորած  
 գլխով պիտի փշրեմ քո ցանցառ գլուխդ... դէ՛հ,  
 դարձաւ նա զիւղացիներին — մի՛ լսէք այս խռժա-  
 ծին, որ էգուց էլօր մեռնելու է, դուք ջահիլ էք  
 դեռ, դեռ ևս շատ տարիներ ունիք ապրելու, բայց  
 եթէ մտադիր էք այսպէս ապրելու, սատկէք բոլորդ  
 է՛լ, ա՛յ, էսօր ձեզ կը խորովեն, էգուց ձեզ կը  
 կորսեն, ձեր կնիկները կը տանեն...

Եւ բացւեց նորէն խրճիթի դուռը. այս անգամ  
 ներս մտնողն էր մի պարթև կին ցուպը ուսին դրած:

Խաթ-Սաբան էր, փոշոտ, կեղտոտ, միակ աչքը  
 արիւնով լեցած: Նա յառաջացաւ, ցուպը ցած  
 առաւ, իւր հետը մտնող զամիսին աքացիով վռնդեց  
 ոտերի մօտից, նստաւ պատի մօտ և երբ Գէորդը  
 գոչում էր.

— Այո՛, ձեզ բոլորիդ էլ կը սպանեն, կը խորո-  
 վեն...

Խաթ-Սաբան վեր թռաւ տեղից, բարձրացրեց  
 ցուպը և խռպոտ ձայնով գոռաց.

— Նա հլաւ սիսորովի <sup>1)</sup> նահլա՛ւ,  
 նահլա՛ւ...

Եւ իւր միակ աչքը կատաղութեամբ բևեռեց  
 Գէորդի վերայ...:

1) կրա՛կ տանը, կրա՛կ, կրա՛կ...

### ԺԲ.

#### Բ Է Գ Ի Հ Ա Շ Ի Ի Ն Ե Բ Ը

— Ուրեմն բոլորը 675 հոգի՞ են:

— Այո՛, դրանից 100 մանր են, սկսած 1  
 տարեկանից մինչև 16 տարեկան:.. 675 վերայ դեռ  
 չեն հաշւած ծերունիները...

— Իսկ նրա՞նք որքան են:

Հարկահանը թերթեց տետրակը, մատով սկսեց  
 հաշւել և ասաց.

— Մի խօսքով գիւղի մէջ աւելի քան 700 անձ  
 կայ...

Այս խօսակցութիւնը պատահում էր գետի եզեր-  
 քում կանգնեցրած բեզի վրանի մէջ. բեզը թիկն  
 տւել բարձին ծխում էր, զրազիրը թուղթը ծնկան  
 վերայ ծալած, զրիչը ականջի ետև՝ ուշադրու-  
 թեամբ լսում, իսկ հարկահանը մի մեծ տետրակ  
 ծնկների վերայ՝ հաշւում էր:

Մի ձիթի ձրագ դրած ձրագկալի վերայ,  
 աղօտ լոյս էր սփռում վրանի մէջ. վրանի դրսումը  
 ցցւած էին եռանկիւնաձև չորս հրացաններ և  
 նորանից ոչ հեռու խոտերի վերայ փռւած երգում  
 էին և խօսում բեզի զինուորներ:

— 700 ա՛նձ, խօսեց բեզը — բայց դրանից քա-  
 նիսնե՞րն են աշխատաւորներ:

— Շուրջ 500 հոգի, եթէ հաշւենք կանայքն էլ.

— Ի հարկէ պիտի հաշւել, կանայք մարդկանցից



լաւ են աշխատում... լա՛ւ, գրագի՛ր, դարձաւ բէզը նրան—այժմ հաշւիր թէ տարեկան որչափ նիւֆիւս <sup>1)</sup> է տալիս Զանգաղ գիւղը:

—Ձերդ մեծութիւն, մէջ մտաւ հարկահանը—աւելորդ է հաշւել, այստեղ ես ունիմ հաշւած, ահա... Զանգաղը տարեկան միայն բէթ էլէթ <sup>2)</sup> է տալիս 8000 զուրուշ... իսկ հողի, տաւարների և այլն տուրքերն էլ միասին, կազմում է մի լաւ գումար:

—Որքա՞ն: *թասթաս*

—18000 զուրուշ: *թասթաս*

—Բ՛հ՛ը՛, լաւ փող է... շուրջ 180 ոսկի...

—Ալլահ <sup>3)</sup> իւշիւն <sup>3)</sup>, ինչո՞ւ ուրանալ, Բասէնը բոլոր միւս գաւառներից լաւ եկամուտ է տալիս, անցեալ տարի մօտ 3—4000 ոսկի ժողովել եմ... չէ՛, ես Բասէնից չեմ հեռանալ, բասէնի ժողովուրդը այժմ խեղճացել է, լաւ եկամուտ է տալիս ինձ:

—Ճշմարիտ էք հրամայում, ասաց գրագիրը—Բասէնի կանաչքն էլ սիրուն են... ա՛յ, այդ անպիտան բոշայի աղջիկը, հիւրի-փէրի էր...

—Ինչ լաւ պատառ կը լինէր Ձերդ մեծութիւնը,

<sup>1)</sup> Անձնական տուրք:

<sup>2)</sup> Զինուորական տուրք:

<sup>3)</sup> Բառ առ բառ նշանակում է «Աստծոյ համար», բայց ո՞՞ է դա, որ նշանակում է «ճիշտը պիտի ասել»—նման «Աստուած վկայ» ո՞՞ին:

գիտեց հարկահանը—ափսոս որ ձեռքիցդ ելաւ:

—Հա՛, ափսո՛ս, ասաց բէզը—բայց հող չէ՛, երէկ այստեղ էլ մի սիրունը տեսայ, բոշայից պակասը չէր, այս ի՞նչ ձայն է...

Նա միջահատեց խօսքը և դուրսը դարձրեց. վրանի ետեւից մի խշրտոց էր լսվում:

—Գիւղի շներիցը կը լինի, ասաց հարկահանը—հա՛, ես էլ համակարծիք եմ ձերդ մեծութեան, վէզիր-վիւզարան <sup>1)</sup> էլ մեզ նման քէֆեր չի վայելում... է՛հ, ձեզ հաճելի չը թւող կանանցից էլ մեզ բաժին է ընկնում... շնորհակալ ենք և ազօթող...

—Է՛հ, այս շունը սկսում է վրանը մտնել, ասաց գրագիրը ետ նայելով—երևի մտի հոտ է առել:

—Հօ՛շտ... գոռաց բէզը ետ դառնալով. ձայնը դադարեց:

—Դուրս գնաց երևի, ասաց գրագիրը— ես էլ համամիտ եմ էֆէնդիին, մենք մեղաւորներս էլ քէֆեր ենք անում երբեմն...

—Դո՞ւ, ծիծաղեց բէզը—ա՛մենից լաւ քէֆը դու ես անում, միտդ է թէ ինչպէս անցեալ ամիսներում Ամրագոմի մէջ մի աղջկայ ձեռք էիր ձգել, երբ ես անցնում էի թփերի մօտից, աղջիկը գոռում էր, իսկ դու ասում էիր «տո՛ւս, ես քեզ ոսկի կը տամ»... երևի ոսկիներ շատ ունիս...

<sup>1)</sup> Մեծամիծներ, նախարարներ:



— Զեր շնորհիւր... բայց այս շունը նորից ներս է մտել, հօշոտ—օ՛շոտ... կորսուի՛ր, անպիտան շուն... —

— Կարծում է թէ միս է մնացել, օշոտ, գոռաց հարկահանը.

— Զեր շնորհիւր, շարունակեց գրագիրը — մենք էլ ունենում ենք այդ «ղեղին Աստուածից»...

— Հա՛, հա՛, հա՛, ծիծաղեց բեգը-նրա համար այդչափ դեղնել ես...

— Իրա՛ւ, իրա՛ւ, գոչեց հարկահանը — խիստ դեղնել է...

— Դու էլ սկսում ես դեղնել, ժպտեց գրագիրը — վա՛յ անիծածը էլի մտա՛ւ, օ՛շոտ, օ՛շոտ... զեաւո՛ւր, օշոտ...

Յանկարծ մի ձեռք երևեցաւ մթան մէջ, փայլեց մի դաշոյն:

Մի բոպէ և աղմուկը բարձրացաւ, զինւորները ոտքի թռան և երբ գրագիրը ու հարկահանը կռացել էին ընկնողի վերայ, լսեցաւ մի խուպոտ ձայն, որը գոռում էր մթան մէջ:

— Նահա՛ւ, սիսորո՛վի, նահա՛ւ, նահա՛ւ:

Եւ մի խումբ հրացան արձակելով մտան վրանները, բարձրացաւ աղմուկ, հրացանների ձայնը, սուրերի շկահիւնը, շների ոռնալը, աղմուկ, ոռնոցք, հայհոյանք խառնեցին միմիանց, ձեթի ճրագների լոյսով միայն երևում էին մի տատանող, ելնող իջնող ահագին ցուպ, սուրեր և հրացանի փողեր...

երբմն միայն երևում էր նաև Խաթ-Սաբայի երկար հասակը, իսկ Գէորգի ըէլօլվերի ձայնը թնդացնում էր ձորը:

— Խփէ՛ք, տղերք, գոռում էր նա:

— Ալէ՛ք, Ալէ՛ք, որոտում էր Խաթ-Սաբան —

Նահա՛ւ... Եւ «նահաւ» սկսեց երևալ, վրանները վառվում էին, մէջ տեղը շփուած մի խոտի դէզ սկսեց բոցեր արձակել...

Կրակի լոյսով այս անգամ երևեցան ցուպերով, դանակներով, հրացանով և տապարներով զինւած զիւղացիներ, որոնք երեք խումբերի բաժանւած՝ ամեն կողմից յարձակում էին գործել վրանի վերայ: Մի խումբին առաջնորդում էր կանցի Ալէքը մի ահագին կեռ սուր ձեռքին. Խաթ-Սաբան իւր ցուպով դանգեր ջարդելով և իւր խուպոտ ձայնով «նահա՛ւ» գոռալով վազում էր դէպի վրանը.

— Խփէ՛ք, տղերք...

Թէ ինչպէս էին այդ երեք մարդիկ հանդիպել միմիանց, դա շատ երկար չէ. Խաթ-Սաբան Էրզրու մում Գրիգոր աղայի մօտ հանդիպել էր Գէորգին, որը Խաթ-Սաբային ուշադրութեամբ լսելուց յետոյ, ասաց:

— Գնա՛նք, մայրիկ, ես պիտի կոււնամ այն ցեղի համար, որ քեզ պէս մի քաջ գլխաւոր ունի:

— Եւ հեծել էր ձին ու Զիւլինի զիւզն էին գնում: Արտօսի մօտ Ալէքը հանդիպեց նոցա, ամեն ինչ պատմեց և երբ մտածում էր թէ ի՞նչ պիտի



անել, Գէորգը մօտեցել էր նրան և յանկարծ հարցրել.

— Դու կանցի Սլէքը չե՞ս...

Եւ նոքա եկել էին, համոզել գիւղացւոց և յարձակում գործել բէգի և զինւորների վերայ...

Երբ լուսացաւ, Ձանգաղի զեռի եզերքին դեռ ևս մտում էին խոտի դէզը և վրանի սիւները, իսկ նոցա մօտ ընկած էին արիւնի լճակների մէջ բէգի, զրագրի, հարկահանի և տասն և երեք զինւորների դիակներ...

Եօթ զինւոր կարողացել էին անցտանայ:

— Տղերք, ասաց Գէորգը ակրութեամբ— լուրը Հասան-ղալա հասաւ, էգուց Ձանգաղը կը պաշարեն...

### ԺԳ.

Փ Ի Ր

Սորանից մի քանի տարի առաջ մի հայ ճանապարհորդ, որը շրջում էր Թորթում զաւառում, մի գիշեր հիւրընկալեցաւ մի բլրակի գլխին գտնուող հայ բոշաների վրաններում:

Հայ բոշաները, որովհետեւ ամառ էր, թողել էին իրանց գիւղը և 40-ի չափ վրաններ էին կանգնեցրել աշտեղ: Ճանապարհորդին կերցրին, յետոյ յայտնեցին, որ իրանց գիւղապետի վրանի մօտ ամեն երեկոյ մի հեքիաթ ասող գեղեցիկ հեքիաթներ է պատմում և հրաւիրեցին նորան, եթէ կուզէր, լսելու պատմողին:

Այնտեղ, զիւղապետի վրանի առջև խոտերի վերայ փուած շրջան էին կազմել բոլոր բոշաները, նստեցրել էին մէջ տեղ մի բոշայի և պատրաստում էին լսելու նորան:

Փչում էր մի զով քամի. երկինքը պարզ էր և լուսինը պայծառ լուսաւորում էր, հեռւում տաւարների պահապանը երբեմն երբեմն շացնում էր և պլպլացնում իւր շիբուխի կրակը, ցածում խոխոջում էր գետակը, իսկ իրանք բոշաները մէջքի վերայ պառկած կամ թիկն տւած ծխում էին... վրանների ներսում փայլում էին ազօտ լոյսեր, երբեմն ճչում էր մի մանուկ, իսկ կանայք մեղմութեամբ միմեանց վրանն էին մտնում և շները խոտերի մէջ խշրտոց հանում:

Ճանապարհորդին տեղ տւին գիւղապետի մօտ. դա մի հասակաւոր անձ էր թաւ մօրուքով և թուխ դէմքով. պարզեց ճանապարհորդին իւր շիբուխը, յետոյ դարձաւ մէջ տեղը նստած պատմողին և ասաց հայերէն:

— Մեկի՛ք, ա՛ մեկի՛ք, գօշեց գիւղապետը — աւելի լաւ կանես որ սրան Փիրի պատմութիւնը պատմես, զիտե՞ս, էֆէ՛նդի, դարձաւ նա ճանապարհորդին-Փիրի հեքիաթը շա՛տլաւ հեքիաթ է, բացց ո՛չ ոք կարող է մեր Մեկիքի պէս լաւ պատմել...

— Քէհեա՛, ասաց մի բոշա— Գրիգորը փող չ՛ածի՞ պար գանք:

— Տօ՛ հա՛, հա՛, ասաց քէհեա՛ն— դէ՛, Գրիգոր:



վեր առ փողոս, էֆէնդի, Գրիգորը լաւ փող է ածում, մերոնք էլ պար են գալիս... հայդէ՛, տղե՛րք, վեր կացէք...

Եւ սկսեց ածել մի վայրենի եղանակ սուր ելեէջներով, իսկ պարողը պարզեց թւերը՝ ոսները ծուռը դրած սկսեց թռչկոտել և աւելի վայրենի մի պար պարել, որից յետոյ երեք-չորս հոգի շրջապատեցին նրան և սկսեց խմբական տարօրինակ պարեր. նստածները երգում էին. ի՛նչ երգ... փողը ածում էր մի արագ շափերով և զիւ ձայներով կտոր, հետզհետէ իջեցնում էր մինչև 8 աստիճան ցածր և երբ նորից օգտափն էր թռչում, խումբը ցած ձայնով երգում էր նրա հետ. այդ կտորը նմանում էր արաբական «վա՛յ դիլէմ» երգի կտորին:

Յետոյ յանկարծ մի երիտասարդ նստաւ փող ածողի մօտ, հազաց և սկսեց երգել:

Միրէվի, միրէվի թա բը սաբը <sup>1)</sup>

մի միրէմ <sup>2)</sup>

Եւ փողը ածեց ու երիտասարդը շարունակեց

ամա՛ն դիլէմ <sup>3)</sup>

Իսկ խումբը մնչեց

վա՛յ դիլէմ... <sup>4)</sup>

1) Գնում ես, գնում ես մինչև երեկոյ:

2) Մեռնում եմ:

3) Վա՛յ սիրտս:

4) Վա՛յ սիրտս:

Արաբական երգն էին երգում, բայց որչա՛փ այլանդակած և ի՛նչ խուժատուժ պար էր, ի՛նչ ցատկուտուքներ, ի՛նչ ոստոստումներ, ի՛նչ քայլեր:

Երբ արաբական երգն էլ վերջացաւ, բոշայի մէկը եկաւ նստելու ածողի մօտ, հազաց. մի բան ասաց ածողին և բարձր ու բարակ ձայնով երգեց բոշայական մի երգ.

Եւ վերջացրին երգը մի կատաղի ձայնով «Ա՛խ լէվալ, <sup>1)</sup> լէվա՛լ, լէվա՛լ» խօսքերով...

Երբ լսեցին, բոլորն էլ տխուր էին, շատերը «տխ» քաշեցին, գիւղապետը դէմքը կնճռած լսում էր և ձանապարհորդը բոշաների հետ դեռ ևս երկար չը կարողացաւ երգի թողած տխուր տպաւորութեան տակից դուրս գալ...

Հինգ րոպէի չափ լուռութեամբ ծխեցին բոլորը, յետոյ գիւղապետը շարժեցաւ տեղից և դառնալով Մելիքին.

— Մելի՛ք, ասաց— պատմիր «Փիր»-ի պատմութիւնը:

Մելիքը եկաւ մէջ տեղ նստելու, հազաց նորից, բոլորին մէկ մէկ նայեց, ժպտեց ձանապարհորդին և նորան ուղղելով խօսքերը սկսեց:

«Այնտեղ Զիւլինի սարերի վերայ, պատմեց նա— մի վայրենի վարդենի մեծ թուփ կայ, որը տարին մի անգամ տալիս է սպիտակ բազմաթիւ անուշահոտ

<sup>1)</sup> Հայ բոշայի լեզուով նշանակում է «Աստուած»:



վարդեր, բայց ճիւղերը աւելի թանգագին և աւելի լաւ վարդերով են զարդարուած...

Իւրաքանչիւր լոմ, իւրաքանչիւր հայ (այժմ սկսել են նաև իւրաքանչիւր այլազգ) այդ ծառի մօտից անցնելու ժամանակ, պահ մի նստում է նորահովանիի տակ, յետոյ կտրում է իւր հագուստից մի կտոր, փաթաթում է նորա ճիւղերին, աղօթում է և յետոյ հեռանում...

Իսկ Փիրս-ի գերեզմանն է. այստեղ թաղուած է մի կին, մի քաջ, մի խելօք կին և իւրաքանչիւր լոմ, երբ հանդիպում է այդ քարակոյտներից կազմուած գերեզմանին և կամ հեռուից տեսնում է նորա վերայ բուսած այդ վարդենին, չէ կարողանում չը յիշել «Փիրս-ին».. լոմերի քաջ գիւղապետուհուն, հրաշալի լոմ-Հասանի կնոջ՝ իմաստուն Խաթ-Սաբային...

Քաջ էր Խաթ-Սաբան, իմաստուն էր նա, նորա պէս կին դեռ չի ծնել աշխարհի մէջ և բոլորը այլ ևս նրան կոչում են «Փիրս» 1):

Հեռու Աջեմիստանից եկաւ լոմ-Հասանը իւր ցեղի հետ, մի կուրի մէջ վերջին անգամ կոտորեց 101 քիւրդ և երբ մեռաւ, Խաթ-Սաբան էր, որ ցեղապետ եղաւ լոմերի վերայ, որոնց նա կառավարում էր իմաստութեամբ. նա քսան անգամ ազատեց իւր ցեղին կորստից, քսան անգամ աշխատեց թափառականութիւնից ազատել, զիմեց փաշային,

1) Սուրբ:

զիմեց սուլթանին, բայց այս երկրի մէջ ոյժից բացի ուրիշ միջոց ի գործ դնել անկարելի է... և Խաթ-Սաբան ոյժ էլ գործ դրեց:

Եւ զնաց նա Երզրում, գտաւ երկու հայ, եկաւ Ջանդաղ, կոտորեց զինուորներին, կրակ տաւ նրանց վրանները, սպանեց Հասան-ղալայի զազան բէզին...

Փաշան զօրք ուղարկեց գիւղի վերայ. զօրքը կրակ տաւ գիւղը և Խաթ-Սաբան քաջեց իւր ցուպը, կոտորեց 100-ից աւելի զինուոր, գիւղացւոց բոլորին էլ ազատեց, նրանց առաջն ընկաւ տարաւ ուռսի հողը:

Զօրքը ընկաւ նորա ետևից. Խաթ-Սաբան անցաւ Հառամի գիւղից, քարուքանդ արաւ և բարձրացաւ լեռները:

Երբ Զիւլինի գլուխն էր հասել, արդէն ճանապարհին թողել էր իւր խումբից շատերին, սակայն իրան հետևող զօրքը կէս էր եղել:

Եւ գիշերեց խումբը Զիւլինի գլխին, Խաթ-Սաբան այդ գիշեր երազ էր տեսել, որ լոմ-Հասանը կանչում էր իրան: Նա զգաց որ մեռնելու էր, կանչեց աղջկան, բռնեց նորա ձեռքը, տաւ Կանցի Ալէքին, օրհնեց և ասաց.

— Հող ունենա՛ք, իմ որդիներ՛րս...

Կանչեց լոմերին, խրատեց նրանց և ասաց.

— Հող ունեցէ՛ք, զաւակներս — ձեր փրկութեան և հանգստութեան միջոցը հողն է...

Իշերը յանկարծ զօրքերը պաշարեցին խումբին.



Խաթ-Սաբան վերցրեց ցուսը և ընկաւ նրանց մէջ, իւր չորս կողմը զիականեր փռեց և երբ զօրքերը լիտ էին փախչում և խուճրը մտնում էր ուռսի հողը՝ Խաթ-Սաբան վէրք ստացաւ կուրծքից...

Կէս գիշերին Խաթ-Սաբան մեռնում էր. կանչեց նորէն բոլոր լուսերին և երբ հաւաքուել էին, նա բարձրացաւ տեղից, բոլորին մէկ մէկ օրհնեց և ասաց կրկին.

— Հող ունեցէք...

Եւ մեռաւ «հող» բառը բերանին...

Լուսերը թաղեցին նրան մի բլրակի ստորոտում. Յգիշուէն պոկեց ուրիշ տեղից մի վարդի թփիկ և տնկեց նորա զերեզմանի վերայ, լուսերը իրանց շորերից մի մի կտոր կապեցին նորա ձիւղերին, լացին իրանց հերոսուհու վերայ...

Եւ գնացին...

Անցա՛ն տարիներ, Խաթ-Սաբայի իւրաքանչիւր քաջութիւնը մի մի հեքիաթի նիւթ դարձան, որը ես ձեզ պիտի պատմեմ միշտ, կը պատմի իմ որդին, կը պատմի իմ թոռը, կը պատմի իւրաքանչիւր լոմ.՝ նորա դէստոէնը <sup>1)</sup> կ'երգի իւրաքանչիւր շաիր <sup>2)</sup>, իւրաքանչիւր լոմի մանուկ, կ'երգի Գրիգորը, կ'երգեն քարերը, իսկ այժմ էլ իւր քաղցր ձայնով կ'երգի

1) Երգի մի տեսակ է, որ գովում է մասնաւոր քաջանների  
2) Բանաստեղծ:

Սարկոն, կը լսեն լոմերը եւ կը պարծենան ու կը պատմեն իրանց աղջիկներին, կը լսեմ եւ ես, ձեր ճերտանի հեքիաթ պատմող եմ կը ցնծամ

Եւ լռեց Սեւիքը Սարկոն, որը մի լաւ ձայն ունէր, մոտեցաւ Իրիգորին եւ նստեց

Ճո՛ւժում էր զով քամին, փայլում էր լուսինը, հովիւը պլպլացնում էր իւր շիբուկի կրակը, հեռվում խոխոջում էր գետակը, խշխշում էին խոտերը

Սարկոն սկսեց, նորա փայնը հնչում էր արպէս տաւիզ, դողում էր ոռպէս լար եւ խոսքերը արտասանում էր արպէս մեղմ, որ սարսուռ էր ազդում:

Նա երգում էր:



Զիւհնի Թուփ, Ղուրբան մարդիդ

Ոմ կը հասնի քո փառքիդ

Թող, որ նախանձեմ արմատիդ

Փշուճ էր քամին, փայլուճ էր լուս

սինը, խոխոջուճ էր գետակը, խշխշուճ

էին խոտերը եւ խումբը զորեղ ձայնով

ու գեմբը Զիւհնի լեռներին գարձ րաճ

երգում էր:

Զիւհնի Թուփ, Ղուրբան մարդիդ

Ղուրբան ,, Իր,, ին ճաճկող հո

ղիդ



18940

2013



